

I KUKWEMPWA

 I mutabi wa nkamu okuno ku—ku Yuma, ncoolwe cipati kuba a kutambwa kujokela alubo. Twa kajisi ciindi cibotuloko, ciindi cainda okuno. Elyo mpawo cindi Nda kamvwa kuti Nda keelede kujoka alubo, kwa kandi bamba kulimvwa kabotu ncobeni, ku kumvwa bumboni a majwi aya mabotu aazwa ku bantu, a kubaanga nku kusumpya aniini.

² Billy wandaambila kuti mukwesu kuzwa ku Las Vegas, oyo wakali kuyanda muswaangano okuno ku mutabi wa nkamu, kuteeti ndimubone mpoonya buyo kwamana kuswaangana okuno. Tuli jisi ciindi, walo waamba, kuti tula konzya kusobelela mukati, moonya mu Mukazimaziba, kakutanaba muswaangan waku Phoenix, mwabona, ku boola ku Las Vegas. Elyo aboobo twa kali kuyanda kusika okuya.

Ndi syoma kuti Mukwesu Art Wilson wakali kokuno, ciindi cilamfu cakainda, na antela nkwa cili okuya. Elyo wa—wa kandi lomba kuboola, walo a Mucizi Wilson. Nse kajana coolwe, aboobo ndiza eci ciyooba ciindi Nce konzya kusika.

³ Kobona buyo Billy Paul na Mukwesu Roy Borders. Ndi yeeyha kuti nkiali okuno abubena bumwi. Muntumwi waamba kuti Mukwesu Roy waliko. Mukwesu Pearry, Lee, na kufumbwa umwi wabo, bayo konzya ku kwaambila. Kobamba buyo buzuba bwesu bwa kusika.

⁴ Lino, Nda bona bakutausi bamwi awa, kaindi kainda, kwalo Nkwe kkomene kapati kuswaana bakwesu bangu. Ni Ndali jisi ciindi, cakuunka ku ng'anda a ndinywe, nkaambo Ndi lizi kuti mujisi mujisi wiinda uloko mu cisi. Eco ncibotu.

⁵ Elyo lino, Mukwesu Pearry uli jisi ncobeni maaka, sunumasiku, kuli nguwe. Walo ujisi maaka obilo kwiinda ngwe lino. Komwe kwa ngawo, kutenda mukati eyo maikrofooni, anze awo. Cindi, wa—wa jatwa mulandu kuli ceeco, Mukwesu Pearry. Nse yeeyi kuti wajisi mulandu nconzyo. Pele yebo... Muntuumwi wali kutandila ku kanana. Oyo wali umwi mubotu.

⁶ Elyo aboobo mpawo, alubo, wa kaunka kubusena okuya nkabela wakali kwaambaula. Wa kati, “Yawe!” Kaambila Mukwesu Collins na bamwi babo. Kati, “I cilalilo cali cibotu. Pele,” kati, “Nda ambila nduwe,” kati, “ulya muntu weelede kuti muna Spaniard na cintucimwi, na muna Mexico. Eyo yakali peppa ilula maningi Nje kasola kulabila.” Kuyabuya mbuli boobo, alimwi wa kali kwaambaula kuli sikujika uyide.

Wa kati, “Ndime sikujika uyide.”

⁷ Eyo ngu Texas, ya nduwe. Tuyo mululamika, omuno mu Arizona, kwainda kaindi, (embona na?), ikuti na wakkala a ndiswe.

⁸ Ncibotu kapati kuba kookuno! Elyo Ndi yeeyela kuti ezyo tazili mvwisyi mbuli kudana, pele gano lya kuseka. Kwalo, Mwami Mwini wakali jisi gano lya kuseka, nywebo mulizi. Wa kati, “‘Heroda,’ koya kaambile mwaaba oyo,” mwabona, “sunu Nda tanda—tanda madaimona; juunza Nda londolwa.” Aboobo, Wa kali jisi gano lya kusesa. Ee, tali katu cisi pe, Nse yeeyi boobo, mu ziindi zimwi.

⁹ Elyo lino nkumuka aniini. Elyo, kanji, Ndi—Ndi kambaula kutandila maora one. Aboobo oku, mukuziba bulongwe abulome bwa mukwesu a mucizi okuno, mutabi wa nkamu, tula kosola kusika ansi, sunumasiku. Elyo buyo... Nda ambila Terry. Nda ti...

Wa ti, “Ino... Bikka teepu ya maora obilo na?”

¹⁰ Nda ti, “Peepe, Terry. Eli nci ii—ii cipobwe.” Nda ti, “Kutandila buyo maminiti ali makumi otatwe na makumi one, ku kanana ku bantu kujatikizya cintucimwi.” Oku, Nda sola, nekuba, acimwi ciindi, mukuziba ceeco.

¹¹ Cindi Ne kali mulombe muniini, bantu bakali kuboola kuzo swiilila nkaambo Nda kali mukambausi mulombe, mulombwa buyo musyoonto, kasankwa kaniini. Elyo bakali kunga bati, “Ee, Billy Branham, nywebo mulizi, kalombe buyo, kakatainda mu cikolo, alimwi kakutakwe lwiyo.” Elyo bakali kunga basika kuzomvwaa mabala angu atali kabotu, Chikuwa cangu cina Kentucky, elyo—elyo aboobo ba... angu “mahintis,” a “mahaintis” a “matotesi,” a “kubweza.”

Mbuli muli umwi wa miswaangano okuno kutali ciindi cilamfu caikainda, ba kati, “Atwi imikile twiimbe lwiimbo lwa cisi.”

¹² Nda kaimikila akuti, “Nkambo kwa munzi wangu wakale muna Kentucky uli kulaale.” Eco cakali cisi luzutu Nce kazyi, aboobo lwakali lwiimbo lwa cisi, kuciimo mbuli Mbwe kalanganya.

¹³ Aboobo lino, wamana kucembaala loko, nekuba, baa, tu... ula njuila, weeleda kuba a cintucimwi ciindilila ceeco. Wabona? Tu bweza... Paulo wakaamba, kuti, “Cindi Ne kali mucece, Nda kaambaula mbuli mucece a kuyeyya mbuli mucece.” Ula lilemeka mbuli mucece. Pele mbuya bukomena loko, mpawo ula talika, kuzwa kukutaamuka ntaamo ztako zitaanzi zisyoonto, a kudadalika a kuwa, a kubuka a kukusola aliwi. Mpawo yebo, kwainda kaindi, ula sika mpo konzya kweenda mu munkali ululeme. Elyo mbo mbubo mbo tweede kucita, mbuli ba silumamba ba ciingano. Lino nciindi ca kweenda mu muncali ululeme, nkoonya kuselemukila kuli oyo mugwagwamupati uutozya ku Bulemu.

¹⁴ Ndi syoma kuti tupona mu zilao zya kujala kwa makani aa nyika eyi. Nda syoma ncobeni kuti Kuboola kwa Mwami kuli munsi loko, antela, kwiinda mbo tuyeeya. Aboobo lino, ku maminiti buyo atandila ku makumi otatwe aaciindi canu, na cintucimwi, Ndi yanda kuti mulangisye ku Lugwalo olo Ndwe yanda kubelesya ku ciiyo, a—a kutondeka kuli amwi awa. Ndi...

Nkekкe kede ku munzi, buzuba bumwi, Nda kali kuyeeya aa muyeeyo oyu. Mpawo Nda kayeeya, "Ee, Nse zyi, kukanana kuzwa ku Lugwalo olu loonse. Njo bweza buyo cibela ca Ndulo, ku kuswaangana oku kusyoonto kufwaafwi mbuli nkotunga twabaako sunumasiku." Ndi yanda kwaamba cintu comwe, kuciindi nomu vununa ku Ntembauzyo. I—i citaanzi... I Ntembauzyo 27, Ndi yanda tumpango tutaanzi tosanwe, twa kubala.

¹⁵ Ndiyanda kwaamba ceeci, kujatikizya mitabi eyi ya Bantu Basimakwebo Bamakanimabotu Aazwide.

Mukwesu wangu Pearry wali kukanana twaabmo twa mabbuku, azimwi zimbi, a mabbuku mapya ayo ngo bajisi. Mbangaye bayeeya cindi ni twa kajisi teepu, a ku cikambaukak okuno ku Phoenix, ku miswaangano ya baiminizi, ya *Baalumi, Ino Nciindi Nzí?* Lino, oko kwakali kutalika kwa bbuku eelyo, nywebo mwabona, cindi ezi... eci nicaka citika.

¹⁶ Kuli kusimpikizigwa maningi loko kwa Ijwi lya Leza lilembedwe, lya oora eli, ku cintucimwi kuta swena kuli ndiswwe lino. Tuli buyo... Nca kasimpe nconzyo. I zintu ezyo nzomu... Inga cakankamanisya, kuli ndinywe, ku mulekela buyo kuziba cinntu cicitika ncobeni. Bunji bwani, nobeenzu, antela, kumvwa baalumi aba kwiiimikila a kwaamba—kwaamba twaabmo otu, kujatikizya, "Ii Mulumbe wa oora eli," atumwi tumbi. Awo mpo basika, mpa cisymezyo ca Leza ca oora eli, Ndyo kasyomezya ku cintu Nca kali kuyo cita. Elyo tula Mu bona kasimpikizya Camalembe mbubonya MBA kaamba kuteeti Uyo cita, mu ziyanza nciconya. Kaambwa kumbele, kuuma cakulondoka mbubonya, acimwi ciindi, nkaambo ngu Leza ucaamba.

¹⁷ Ikuti na muntu, Nse kwe makani na wakalini, uyo sola kubamba kwaamba kwaciciza kuli boobo, kuli coolwe comwe kuzwa mu milioni yomwe. Ikuti na muntu wa kakwaambilacimwi ciyo citika, inga ca—inga caakucitika ku *ciindi* cimwi; komwe kuzwa mu mamillioni ali kkumi. Elyo mpawo ku *cibikka* kuti ciyo citika, inga kwaba coolwe comwe kuzwa kutandila mamillioni ali mwaanda.

Elyo mpawo *ciindi* caakucitika, kuyabuya, alimwi nzila mbo ciyo citika, a *ceeco* cino citika, azimwi zimbi, cilaindilila ku kuzumbwida. Cindi twa cibona cakulondoka loko, cimwi aciindi coonse, mpawo ngu Leza.

Elyo mpawo twa jokela moonya mu Magwalo. Inga caboneka ceenzu kuli ndiswe. Pele tula jokela moonya mu Magwalo, kakutakwe akwalo kuziba oko nko tulanga, alimwi Muuya Uusalala ulatutondezya a kubikka buyo Ijwi lyoonse antoomwe, kubamba ciimo calya ku tutondezya buyo oora ndyo tuponamo. Tu cinca mabanze.

¹⁸ Tuli—tuli ku kkona. Ncitete cindi muntumwi anyona kkona, lya muyasi wamatina, kunyona kkona. Kutalika, bantubonse kabayaka matina nkoonya kuselemuka mundando nguonya, mbuli kabungwe kamwi katalika, a kutalika kupumbulika ansi ku mundando, kuli kabotu. Pele, cindi wasika ku kunyona, awo mpoedele kujokela nzila imwi!

Lino, Leza tali mukuyaka bulambo. Walo uyaka ng'anda, mwabona, alimwi kuli kucimbula a kunyona Nkwa kaamba kumbele omuna mu Bbaibbele. Elyo kunyona, kufumbwa muntu ulakonzya kusola kunyona, pele kweelede kuba mbuli pulani. Ikuti na takuli obo, kweelede kumwaigwa kumaniiinina alubo.

¹⁹ Aboobo tu—tu lumbaizya Leza ku bubotu Bwakwe a luswaananao lwa ndinywe nobantu, a milyango ijukide eyo Mwami nja katupa, a kwiiinda muli basimakwebo aba. Nda kalwanina lyoonse kuti Nse—Nse syomi mu...Ndila syoma mu bantu mu tubungwe. Pele Nse jisi ciindi cinji ca kulemya tubungwe, nkaambo umwi aumwi uliyakila lubaya lumuzunguluka.

²⁰ Elyo—elyo mbuli biyo, Ndila syoma, kwakali kwaamba kuniini kwa Mukwesu David, kujatikizya mbwa kali kuvuba madakisi amwi, a kuti mulonga wakasika. Elyo dakisi lyonse, nywebo mulizi, akali kuyanda luswaanano kuli limwi alimbi, elyo taka konzya ku cicita nkaambo oonse akali jalilidwe mu lubaya. Pele cindi maanzi nakapaya loko, aka impausya madakisi kuzwa mu caanda.

Aboobo Ndi—Ndi yeeya kuti eyo nje nzila ya kucicita. Alo maanzi ncobeni aboola, mwabona, alimwi tula konzya kuzwa mu caanda a—a kuba a luswaananao kuli umwi aumbi, nywebo mulizi, tu jisi luyandisyo lwini lwa Kristo mu myoyo yesu.

²¹ Elyo aba Bantu Basimakwebo Bamakanimabotu Aazwide bakali ii—ii kasensa kuli ndime. Nkaambo, ziindi zinji... Ndi jisi bakwesu, bakwesu bali kabotu mukati, Nda yeeyela, akamwi kabungwe Mbe kasola kuswaana: ba Presbyteria, Lutherani, Baptisti, Pentekoste, misyobo yoonse yandeene yaba Pentekoste, mbungano ya Leza, aba Nazareni, Pilgrim Holinessi. Bakwesu bali kabotu, koonse. Pele, ziindi zinji, taba konzyi kundi zumizya mu zyooke zyabo, nkaambo, mwabona, kutali kuti taba cisyomi, pele, mwabona, cila kosola kuzwa ku kabungwe kabو. Elyo cindi wacita ceeco, mubwini, eco—eco cila cicita.

²² Okuno kutali ciindi cilamfu cakainda, kwakali mukwesu muna Methodisti wakasika kuli ndime, Nse ko mwiita zina

lyakwe. Ii mwaalumi mubotu, wakali kulemba muzeezo aa kuponesegwa kwa Buleza, alimwi waka ndisikila ku kubandika kumwi—kumwi. Twa kakkala aansi a kwaambaula kaindi kaniini. Wa kati, “I cintu biyo nco tuku lwana, ujilana abana Pentekoste koonse ciindi coonse.”

Nda kati, “Mpawo, mbungano ya Methodisti ya cigwasye. Njo sika.”

Eco cakali andeene. Mwabona? Wa—wa kati, “Ee, mubwinni, Ta—Ta ndili mbungano ya Methodisti. Ndi beleka buyo ambabo.”

²³ Nda kati, “Nce ncico. Mwabona? Mbe mbabo, ba Pentekoste, balo mbembabo baka jula milyango yabo. Mwabona? Mbe mbabo mbe Ndi konzya kusikila. Elyo boonse babo bayo jula, baa, tuli libambilide kunjila.”

Mbuli mu Ciyubunuzyo, cipati 3, kati, “Nda ima ku mulyango a kukonkomona. Ikuti na muntu umwi uyo jula mulyango, Ndila njila a kula lila.” Elyo oyo wakali Jesu. Swebo toonse tulizi kuti wakali Kristo, alimwi Walo ndi Ijwi. Mbo mbubo. Walo ndi Ijwi.

²⁴ Elyo aboobo Bantu Basimakwebo Bamakanimabotu Aazwide bakali kasensa oko nko tukonzya kuboola antoomwe. Taakwe mambungano augwasilizya. Balo boonse, antoomwe, i—i bantu kuzwa ku mambungano, elyo tula boola antomwe a kuba aluswaanano, inyika yoonse, koonse kumasena.

²⁵ Elyo Nda kagwasya kuyaka, mitabi ya nkamu minji, minji moonse mu inyika mbiizulwa, ya Bantu Basimakwebo Bamakanimabotu Aazwide. Ndili lumbide ku coolwe eco cakapegwa kuli ndime. Mukati omuya, basimakwebo bayo ugwasilizya. Mpawo, mambungano oonse, ba—ba yanda kusika, nekuba.

Pele, mpawo, ikuti... Nse yandi kusola kugwisya muntuumwi kuzwa mu mbungano yabo. Kokkala biyo moonya mu mbungano yako a kusabalanganya Mumuni. Wabona? Koba Munakristo wini. Mweembeli wako uyo kulumba. Ii musalali, wini, uusyomeka wakasimpe, kufumbwa muntu oyo uusyoma muli Leza uyo lumba muntu mbuli oyo. Iiyi.

²⁶ Lino, Nda lumba mukwesu okuno, a mukaintu wakwe, a mutabi oyu wankamu, ku coolwe eci. Alimwi akube kuti oyu mutabi ukomene. Akube kuti zilongezyo zya Leza zibe ali nguwo, a kuba cibelesyo mu maanza aa Leza, ku kuvuna myaanda a myaanda ya bantu kakutanaba Kuboola kwa Mwami; a yoonse imwi mitabi yanu yankamu na baiminizi akuno kuzwa mu mitabi yankamu.

²⁷ Mu Bbuku lya Ntembauzyo, lino, Ndi yanda kukanana aa—aa ciyo ceenzu, sunumasiku, kwa kaindi buyo kaniini. Ndi jisi Magwalo amwi alemedbedwe awa. Alimwi—alimwi Nda yeeya

kuti ndiza, sunumasiku, Ne kanana aa cintucimwi candeene. Pele, kubona ciindi kacisupuka, baa, Nse yanda kukkala kwa ciindi cilamfu, aboobo Nda cebuka buyo awa a kujana lumwi Lugwalo lukubwene. Elyo Ndi yanda ku kanana aa ciiyo ca: *I Kukwempwa. Mwabona?*

²⁸ Lino, tula syoma kuti kuyooba Kukwempwa. Boonse Banakristo bala syoma obo, abo mbabali ba Bbaibbele, basyoma kuti kuyooba Kukwempwa.

²⁹ Elyo lino ku kubala kwa ntalisyo imwi, tula bala Ntembauzyo 25. Nda mba...Mundi jatile. I Ntembauzyo 27, kampango 1 kusika ku 5.

I MWAMI ngo mumuni wangu a lufutuko lwangu; nguni Ngwe ti kayoowe? MWAMI ni nsana zya buumi bwangu; ngwani Ngwe ti yoowe?

Cindi babi, abalo basinkondoma a bubi bwangu, zyandi sikila akulya mubili wangu, zila lebwa a kuwa.

Nekubakuti i makamu andi zunguluka, moyo wangu tau kayoowi: nekubakuti lumamba lwabuka kundi lwana, muli eci Njo oba akaanzambwene.

Cintu comwe Nce kayanda ku MWAMI, nkuti Nka ciya ndaule; nkuti Nka kkale mu ng'anda ya MWAMI oonse mazuba aa buumi bwangu, ku kubona bweebesi bwa MWAMI, a ku yandisa mu tempele lyakwe.

Nkambo mu ciindi ca mapenzi uyo ndisia mu i ciyubilo: alimwi mu maseseke a cikombelo cakwe uyo ndisia; uyo ndibikkia aatala ly a mwaala.

Akube kuti Mwami ayungizye zilongezyo Zyakwe ku kubala kwa Ijwi Lyakwe.

³⁰ Lino, sunu, mu kukanana aa ciiyo eci, alimwi lino nobamwi inga mwaba a lwiindano, i—i tuzila Ntwe bweza. Pele mbangaye omuno basyoma kuti Bbaibbele liyiisa kuti kuyooba Kukwempwa kwa Mbungano? [Mbunga yaamba, "Ameni."—Mul.] Iiyi, munene. Mbo mbubo, nconzyo, kutolwa kwa Mbungano. Naa uli muna Methodisti, Baptisti, Presbyteria, na kufumbwa mbobede, Pentekoste, kuyooba kutolwa.

³¹ Elyo Ndi yeeya kuti, mu kukanana, Nse—Nse soli kusika atala awa kwaamba cintucimwi eco Nce yeeya kuti inga cabotezya bantu. Nse naba a mulandu wa ceeco. Ndi yanda kusika atala awa a kwaamba cintucimwi mbuli Mbwe limvwa kusololelwa ku caamba, eco Nce syoma kuti ciyooba lugwasyo kuli ndinywe, cintucimwi eco ciyo sumpya luzibo lwanu a Leza, ikuti na uli Munakristo; alimwi ikuti na toli Munakristo, kubamba kufwa bweeme loko kuli lwako, kuti uyooba Munakristo. Alimwi obo mbo bukanze Mbwe kasola kululamika miyeyo yangu, mbuli Mwami mbwanga wandi sololela.

³² Lino, twa kacenjezegwa, mbuli mu Njiisyo ya Ceeci mu mazuba akumamanino kuti kuyooba kusabulwa. Ikuti na mwayanda, amu bale buyo Ceeco, aniini buyo. Kuli muli Petro Wabili, cipati 3. Atu bale buyo asyoonto ali Ceeci. I cipati 3, a kampango ka 3 a 4. Atu bone ikuti na eci taci luleme.

Kuziba boobu lutaanzi, kuti kuyoosika mu mazuba aamamanino basabuzi, kabeenda kutobela zisusi zyabo beni,

Elyo kwaamba lutaanzi, kuti Cili kuli cisyomezyo ca kuboola kwakwe?...kuzwida ciindi bamatata niba kafwa, zintu zyoonse zila zumanana mbuli mbo zyakabede kumatalikilo a bulenge.

Nkambo oku nkubula luziba acaaali lwa ceeco, kuti ku ijwi lya Leza majulu akali aakale, alimwi nyika kaiimvwi kuzwa ku maanzi a i ma-...alimwi mu maanzi:

Kwiinda ku manyika ayo...aka, mu kupaya ku maanzi, kanyonyooka:

³³ Lino tula bona eco, kaambo eci ciiyo nce cinyansigwa loko, nku kaambo kakuti musinsimi awa wakati ku mazuba akumamanino aba basikusabula bayosika kwaamba zintu ezi. Mwabona? Cakaambwa kumbele, nke kaambo bantu balalilemeka sunu nzila mbo balilemeka. Baa, mula cilangila ncobeni, nkaambo Bbaibbele lya kaamba obo. “Ku mazuba akumamanino bayooba balyanda, balisumpula, basikuyanda misaalo kwiinda basikuyanda Leza; bajaya zipangano, batamizya cabubeji, batakkutili, basampaula abo bali kabotu; bajisi ciwa ca bukombi, nkabela kaba kazya nguzu zya mbubo: kuli baabo kofutata.” Sa inga twa langila kuli kozyanisya kwa Bwini? Cilimasimpe.

³⁴ Cindi Musa naka kaselemukila mu Egepita, ku kuvuna bana ba Israyeli, a kasamu biyo ku janza lyakwe ka kusimpikizya, a Leza wa Julu kunze lyakwe, wa kacita maleele. Mpawo kwakasika basikulikozyanisya kunze lyakwe, elyo kabacita cintu nciconya nca kacita. Mwabona? Lino, baka boola lwabili, naka mana kucicita lutaanzi. Mpawo ba kasika kusule, nkaambo bakali kukkopela cintu ncakacita, kabakkopela citaanzi. Tula jana obo.

Elyo lino nywebo mwati, “Ee, ayo akali mu mazuba aa Musa.”

Pele Lugwalo ndulonya lwaamba kuti bayosika alubo ku mazuba akumamanino. “Mbuli Jambre a Janesi mbo bakakazya Musa, mbubonya abalo aba bantu ba mizeezo ya buzangi kujatikizya Bwini.” Mwabona? Kulikozyanisya, misyobo yoonse ya zintu zya kunyonganya bantu. Elyo mpawo ikuti . . .

³⁵ Oku Kukwempwa kwalo kuboola kucitika, alimwi kufumbwa cintu eco Leza nca jisi mu nzila ya Ijwi Lyakwe, lyonse kuli cintucimwi ciyutuka cakunyonganya Eco ikuti na bala konzya. Bwalo—bwalo—bwalo mbukanze bwa Saatani bwa cita boobo.

³⁶ Mbuli mukwesu okuno, kuzwa ku muswaangano kutala okuya ku Las vegas, wakati, “Saatani wakati inyika bwakali bulelo bwakwe, alimwi—alimwi kuti mukuba busena bwakwe bwakwendelezezya kutala okuya.”

Ndi lizi kuti Saatani nkaleza ka inyika eyi. Cisi coonse kunsi ly a julu cendelezegwa aa nguwe. Mbombubo. Eyi inyika izulilwa kuli Saatani, pele Jesu uyo yendelezya. Wa kaipa kuli Nguwe buzuba bumwi. Elyo Wa kaikaka, pele, Wa kati...nkaambo Wa kalizi kuti Uyo oba Swaana kuli njyo ku ziindi ziciza.

³⁷ “Basikusabula.” Kuli ndiswe buyo kubweza kwa ziindi zisyoonto aa bbala eelyo lyomwe, katutana kuyaambele. Basikusabula!

Nda kali kubala mutende, kutandila mvwiki zyobile zyainda, mu Tucson, kuteeti kwakali Mukuwa wakali kuzwa ku England waka bamba kaambo. Kuli mu mutwe wamakanu mu mutende, kuteeti kubambulwa kwa Mwami wesu Jesu Kristo kwakali kwa lweeno biyo, akati ka Pilato a Jesu, cakuti Wa kasika kupanga...kuli panga biyo Mwini kuba cintucimwi. Elyo kwiiina nzila njo tukonzya kubakazya kuli ceeco, nkaambo zyoonse zintu zya Leza zyeede kutambulwa ku lusyomo. Twe elede ku cisayoma. Lino, wa kazumanana kupa bupanduluzi nzila eco mbo cakakonzya kucitwa.

³⁸ Okuno kutali ciindi cilamfu cakainda, mu cisi eco cipati, London, mu England, mubwini, oko John Wesley a Charles, a bunji bwa bakambausi abo bapati baku mazuba mataanzu Spurgeon a bamwi, baka kambauka Makanimabotu mu musika wabwizu bwabanyama a koonse okuya. Ba akaka mulumbe oyo wa buzuba bwabo, nkabela amulange omo mobabede mu buzuba obuno.

Nkooko Mukwesu Williams a bamwi nkobabede sunumasiku. Ncimwi ca masi aubaukide kapati mu inyika. Nda kali ku inyika yoonse, pele Ta ndizyi cintu cili coonse citaluleme loko mbuli England. Ngu...Billy Graham wakaamba cintu nciconya. Baa, wa kacita kugusya mukaintu wakwe kuzwa mu mapaaki, nzila i—i micito akati ka baalumi a banakazi kaizumanana, cantangalala, mu mapaaki. Cindi Ne kali kokuya, Nse na bwene cintu cimwi cinga catyola moyo wa muntu, limbi kwiinda eco cakali kucitika mu England; eyo ya kajisi coolwe, alimwi ciindi cimwi, kasololela inyika mu lubambululo. Kutondezya buyo nzila mbo cikonzya kuwa.

³⁹ Pele, nywebo mwabona, cintu cicita ceeco, mulumbe oyo wakaunka mpawo, Bamakuwa basola kujatilila ku mulumbe oyo

nguonya wa sunu. Oyo tau kabeleki sunu. Tau kabeleki. Obo kunga...

⁴⁰ Ino kuti Musa nakasika, kunga, kuleta mulumbe wa Nowa, “Tuyo yaka bwaato a ku bwiimpausya kuselemuka Nile”? Niwa takabeleka. Elyo naanka Mulumbe wa Jesu niwa takasola kubeleka kwa Musa. Elyo naanka mulumbe wa Wesley tau kasoli kubeleka muli Luther; na Luther wa Wes-... mulumbe, nabumwi bumbi.

Alimwi sunu, swebo, lubambululo lwesu lupati lwamamanino lwakali lwa Pentekoste. Alimwi sunu tuyu buzwa kuli olo. Elyo mulumbe wa Pentekoste tau kasangani a Oyu, nkaambo ngwa buzuba bumbi. Lyoonse ndi Ijwi lya Leza, pele kula yaka. Mbali matende, maboko, kayutuka, kupanga Nabwiinga wa Kukwempwa. Mwabona? Muta—muta gusyi bantu kaindi okuya; ba kapona ku mulumbe wabo. Boonse babo baya kuzwa, abo bakali muli Nabwiinga.

Mbali buyo buumi kabwiinda mu cisiko ca whiiti. Bula siya whiiti, cikwa, pele whiiti ula lipanga wini mbuli nseke ya whiiti eyo yakawida mu bulongo.

⁴¹ Okuno kutali ciindi cilamfu cakainda, Nda kali kubala bbuku lyakalembwa aa muna German umwi, mu kujna butongo. Wa kati, “Kwa boonse ba—ba sikwiindilizya mu inyika, William Branham ula bainda boonse.” Wa kati, “Baa, tali cintu pele ii... Ngu—ngu simabibo. Ula cita zintu ezi.” Mwabona, muntu, mu kutaziba.

⁴² Elyo, mpawo, muntu wakali sikukazya. Ta kali kusyoma akwalo muli Leza. Wa kati, “Ii Leza ukonzya kukkanala mu makkalo aa mbungano, kabikkide maanza Akwe aada Lyakwe, a kuseka nkamu ya Banakristo; mukuba bamatumbu, a basikwiyya Bakwe Mwini, bakeelede kuba; bamatumbu a bana baniini a zintu, a kulekela balavu kubalya; a kutasola akwalo kupusya janza.” Mwabona awo maanu akunyama mpabede, awo lwiyyo a zintu, mpo zitakonzyi kujata cilengaano? [Mbunga yaamba, “Ameni.”—Mul.]

⁴³ Kuti bulotwe bwa whiiti bwa keelede kuwida mu bulongo. Mbali buyo Jesu mbwa kawa, a kubuka alubo, mbubonya mbungano ya pentekoste mboya kacita kuwa. Ya kacita kunjila mu bulongo, mu makkalo aamusinze. Kufumbwa whiiti eyo... Kufumbwa nseke eyo injila mu bulongo, yeelede kukkanala mu ciindi eco camusinze, kuti izyale.

Pele yaka talika kusonsa muli Martin Luther. Kaboola kwiinda muli Wesley. Kuyutukila mu Pentekoste. Lino mukati, kuzwa kuya mu nseke. Elyo lino ziyanza zyatubungwe nzoba kasiya kusule, zyalo nzikuba, kwa mana. Zyelede kuumpwa, ciyanza cakabungwe. Pele nseke iini ya whiiti eyo yakazwa kuli lumwi alumwi lwa lubambululo olo iyo kwempwa muli Nabwiinga. Yoonse antoomwe iyo panga Nabwiinga.

⁴⁴ Lino tu jana kuti, mu England okuya, baka kkopela kubambulwa, kutali ciindi cilamfu cakainda, nkamu ya bantu abo, balo malamfu... bana kaba jisi masusu malamfu a zintu, akuya boongolola, kabaita Jesu kuti “taata-o” a zintu ezyo zyoonse. Kutukila kuli booboo!

⁴⁵ Lino nywebo mwati, “Omo mu London, England.”

Amulange eco caka citika mu mutende mvwiki yainda, omuno mubana America. Umwi mwiiyi mupati wa zyabuleza, wakazwa ku cikolo cibotu, kati oko i—i kubambulwa kwakali kwa kubeja. Kaamba kuti, “Jesu wakasola biyo kulibamba Mwini mbuli booboo; cakuti Wa kakoledwe nsaku eyi ya mandraki.”

Elyo tula cijana mu Matalikilo, oko nko ca kaambwa. Ni nsaku mbuli lubanje na cintucimwi. Ila janwa kumasena Akujwe okuya. Elyo ikuti na wainywa, ilakupa koona. Ndiza... Elyo uli mbuli kuti wafwa, kufukula, zintuzyonse, kwa mazuba obile na otatwe aa ciindi.

⁴⁶ Wa kati, “Cindi nibaka Mu pa viniga a ndulwe, kula konzeka koonse kuti yakali nsaku ya mandraki. Elyo cindi niba kacita, baka Mu pa oyo, nkaela Wa kafukula mbuli kuti Wa kali fwide. Baka Mu bikka mu kabanda, nkabela baka Mu lazika okuya. Kumane mazuba obilo na otatwe, masimpe, kujokela, mpawo Wa kasinsimunwa alubo, wakali kabotu.” Kati, “Wa kainka mu India a kufwa kubusena bumwi, lufu lwaboonse, kasola kweena zya bukombi.”

I busena butaanzi, oyo sikukazya, ndepenzi a bantu? Mwabona, ncakuti mbuzuba buyo mbo tupona, basikusabula, mwabona, buzuba bwa kuzulizya cisinsimi.

⁴⁷ Leza wakabikka Ijwi Lyakwe ku bukkalo abumwi, alimwi bumwi abumwi bwa bukkalo obo bweelede kuyubulula Eelyo. Elyo Wa kasalidwekale akwalo bantu ba bukkalo obo, bakuzulizya Ijwi eelyo. Ciindi acimwi Wa kabikka Ijwi Lyakwe, Wa kabikka muntu wa ndilyo. Cindi Na kabikka ciindi ca Musa, Wa kabikka Musa kuli ncico. Cindi Na kabikka ciindi ca Mwana wa Leza kuti azyalwe, Wa ka Mu bikka kuli ncico. Bukkalo abumwi, Wa kabikka muntu Wakwe, wakasalidwekale, mbuli Bbaibbele mbo lyakaamba. Taakwe...

⁴⁸ Ikuti na Leza mupatikampatila, Singuzuzyonse, wanguzuzyonse, ulikokonse, uuzyizyonse, baa, Wa kalizi zintu zyoonse kuzwa ku matalikilo. Aboobo, Wa kalizi. Taakwe cintu cizwide mu bweende buluzi. Ndiswe buyo tuyeeya kuti mbo cibede. Nzintu zyoonse zibeleka. Amu cebuke mu Ijwi Lyakwe a kubona cintu Nca cita, mpawo tuyoooba a kumvwisya.

⁴⁹ Lino, amuyeeye buyo. I busena butaanzi, ikuti na mukutausi oyo na kayeeya, cindi niba nywisya viniga a ndulwe mu mulomo Wakwe, Wa kauswida. Ta kaunywa pe, ku busena butaanzi. Mwabona? Basikusabula buyo babuka! Cintu cimbi,

mbobuti oyu Jesu waku Nazareta, mbobuti buumi Bwakwe mbo bwa keeleta cisinsimi coonse ca Cizuminano Cakale? Mbobuti mbo cakalino konzya kuba? Ni catakaba kakutakwe kukanzwa aa Leza. Buumi Bwakwe bwa keeleta cisinsimi coonse ca Cizuminano Cakale. Cintu cimbi, ikuti na abo basikwiya ba keenena kuli Nguwe mbuli obo, nkaambonzi umwi aumwi wabo nca kafwa mu ciimo cakufwida lusyomo? Elyo awalo muapostolo Petro wakati, “Amu pindamune mutwe wangu ansi. Ta ndeeleli kufwa mbuli Nguwe.” Obo mbo bakabweza Andreya a ku mwilinganya ku mabazu aa ciingano. Balo, umwi aumwi, kanamatika bumboni bwabo mu bulowa bwabo beni. Baka Mu syoma a ku Mu yanda, a kupa maumi abo nkambo ka Nguwe. Ikuti na Wa kali silweeno, mbobuti mbo bakalino sola kucita ceeco? Mwabona? I kubikka kwa kumuuya, bantu taba cimvwisyi.

⁵⁰ Mpaawa kwakali muntu mulemu okuno, kutali ciindi cilamfu cakainda, umwi rabi mulemu wa kalemba kuti, “Musa, kuciindi cakwiinda mu Lwizi Lusalala,” kati, “takali maanzi eni. I maanzi takapambuka kupanga malambo.” Kati, “Cintu cakaliko, kutala lya mamanino ambi aa Lwizi Lufwide, kwakali cilwi ca matete. Elyo wa kainda mu matete aa maanzi, matete aamu maanzi. Taakwe maanzi omuya. Cilwi buyo ca matete, ziba pati lya—lya matete mpo bakainda.” Elyo bapaizi banji bala cisyoma, balo, a ku cizumina.

⁵¹ Okuno kutali ciindi cilamfu cakainda, cindi oyu atronanti mutaanzi naka inka kujulu, wa kajoka, elyo ta kabona cintu ca Leza. Cakuti cakanyona bakutausi. Ba kali kuyeyea kuti Leza wakali kukkala nkoonya kutala okuya kubusena bumwi, kulampa kuya mujulu kwa mamaile ali mwaanda a makumi osanwe.

⁵² Baa, ma, obo lwiiyo a busongo bwa inyika eyi mbo bwasandula mbungano kuba cikama ca bwizu buletela ntuntumaanza! I...Lwalo ndwiiyo a ciyanzaa calwiiyo, sayaansi a lusumpuko, nzya dyabulosi. Lusumpuko lwazyo ndwa dyabulosi. I Bbaibbele lya kaamba boobo.

Elyo Lusumpuko lwesu luboola talukabi a cintu cakucita a lusumpuko olu, pee. Ta cili cintu ca ncico, pee. Kuyooba Lusumpuko lwandeene, mu lusumpuko olu a eyi inyika ya sayaansi njo tujisi. Kwiindila kwa sayaansi, basayaansi nko tuba, tusakana mu njila mu zintu zya lufu, tooze twa kujaya, a zintuzyonse. Mu Lusumpuko olo lypyä, takukabi lufu, nanka kuciswa, buusu, na kuciswa. Mwabona? Takukabi cimwi Omuya. Aboobo lusumpuko olu lweelede kuyo nyonyoonwa, nkaambo ndwa dyabulosi.

⁵³ Tu jana, kuti mu Matalikilo 4, kuti bantu ba Kaini baka talisya lusumpuko, kuyaka matauni a madolopo mapati, a zimwi zimbi, a zibelesyo zya nyimbo zyakulizya, kuba mu sayaansi.

Elyo bantu baka tantamuka kapati kuzwa kuli Leza, pesi kabali bakombi. Pele cindi bantu ba Seti niba kasika, ba katalika kusika, kwiitila ku Zina lya Mwami.

Aah, ambaula umwi mupyungi!

⁵⁴ Nseli waano kucisa kulimvwa kwa umwi, kwaamba cintucimwi kujatikizya mbungano. Elyo ikuti na uli waano, a kuzulilwa ku mbungano eyi, Ta ndaambi eci kucisa kulimvwa kwako; nkaambo kuli bantu buya banji babotu omuya, mbuli baliko mu mambungano ambi. Pele Nda kali kubala mu Shreveport mvwiki yainda, oko mbungano ya Katolika nkoya kaamba kaambo.

Elyo tula bona oko boonse nkoba boola antoomwe lino ku kkanso mpati yabupaizi a zimwi zimbi, kuzulizya buyo ncobeni eco Bbaibbele ncolya kaamba kuti bayo cita. Mbubonya buyo.

⁵⁵ Lino tu jana kuti bakati, “Baa, Bbaibbele...” Bamwi bana Protestant bayanda ku jatilila ku Bbaibbele eelyo. “Baa,” kati, “i Bbaibbele talili cintu pele bbuku, makani akale aambungano, alimwi tiiba kalijisi mu malembe kusikila kutandila myaka yakainda ili myaanda yobilo. Ya kali mbungano lyoonse.” Kati, “Ya kali mbungano, kutali Bbaibbele, alimwi Bbaibbele makani buyo akale aceeco mbungano ncoya kacita.” Ino mbubeji bwa bupyungi mbobubede! Baa, twa kali jisi Bbaibbele kwa myaka ili zyuulu zyotatwe. I Cizuminano Cakale cakalembwa mu Lugwalo, kwa myaanda a myaanda ya myaka kakutanaba kuboola kwa Kristo. Cintu buyo ca bupyungi ica dyabulosi!

⁵⁶ Alimwi tula jana mu buzuba obuno, cindi oku kusabula kupati a kufubaazya Bbaibbele, a kusola ku Li tontela anze, Leza weelede kubeteka mbungano kwiinda ku cintucimwi. Ta konzyi kuba ululeme...

Taba konzyi kuselemukila ku kagwagwa aka a ku ndaanga, alimwi ndibamba mamaile ali makumi otatwe mu oora mu cibeela cakweenzya mamaile makumi obilo, citakuti kuli cintucimwi cindaambila kuti Ndi zumizigwa biyo kweenzya mamaile ali makumi obilo. Ceelede kubako.

Elyo Leza uyo beteka mbungano, uyo beteka bantu, buzubabumwi. Tu lizyi obo. Kuli Lubeta luboola. Aboobo ikuti na Uyo ibeteka kubelesya mbungano ya Katolika, njili mbungano ya Katolika? Ikuti na Uyo ibeteka kubelesya Methodisti, Baptisti yasweeka. Ikuti na Uyo ibeteka kubelesya Babumwi, Babubili basweeka. Mwabona? Ino Uyo betesa kunzi? Wa kati Uyo ibeteka kubelesya Kristo, nkabela Kristo ndi Ijwi. Aboobo ndi Ijwi lya Leza, eelyo Leza ndyayo betesa. “Ku matalikilo kwakali Ijwi, a lyalo Ijwi lyakali antoomwe a Leza, elyo Ijwi wakali Leza. Elyo Ijwi lyakaba mubili wabantu a kukkanla akati kesu. Imbobuca nguwenya, sunu, amuya myaaka.” Mwabona? Aboobo, Uyo ibetesya ku Ijwi Lyakwe.

⁵⁷ Elyo lino tu jana kuti mu buzuba obuno, cindi niba sola kutantamuna Bbaibbele (“Amuzumine mbungano!”) I Bbaibbele: tatu Li yandi. “I mbungano!”) kutegwa bakonzye kubamba musyobo uli oonse a buzumini bwabukombi na kufumbwa cintu cimbi, a kweenda kuli ncico.

⁵⁸ Ee, mbuli Mbwe kali kukanana busiku bumwi ku Shreveport. Mu i-i mulalilo, cindi niba jaya kabelele ka cituuzyo, kwa keelede “kutaba bumena akati kaboo, moonse mu mazuba oonse ali ciloba,” kwiina bumena, kwiina zinkwa zya bumena. Zintuzyonse zya keelede kubula bumena. Eco cakaimina makkalo aambungano ali ciloba ayo nge tujisi mu bbuku awa, alimwi kwiina bumena. Ncinzi? Ncintucimwi cisangene a Ndiloy. Alimwi tula sanganya buzumini bwabukombi a kabungwe, zintuzyonse zimbi, a Ijwi, nkabela ku ciciita kuti Ijwi. “Kwiina bumena, ayooba mazuba oonse ali ciloba.”

⁵⁹ Elyo acalo ciligwa sunu, muta soli ku ciyobweda juunza. “Amu cuumpe a mulilo, mumuni wazuba kuutana pasuka,” nkambo kuyooba Mulumbe mupya uboola, a cintu cipyga. Mwabona, kusola ku ciyobweda kumbi, pele eco cakali ciimo cakulilemeka kwa mbungano. Ii lubukulusyo lulainka, nkabela cintu citaanzi nywebo mulizi, kutandila mu myaka yotatwe, bala talika kabunga kuli ndulo. Ii kabungwe kala talika, kabunga.

Pele sa mwabonesya? Olu lwali kufumpa kwa myaka ili makumi obilo lino, nkabela kwiina kabunga. Alimwi ta kukabi. Aya mamanino. I whiiti wajioskela ku whiiti alubo. I whiiti ya jokela ku nseke yayo. I cikwa ca somoka kuzwa kuli nguwo. Elyo whiiti yeelede kulala mu Busyu bwa Mwana, kuti ibizwe.

⁶⁰ Sena tacili cintu ceenzu, kuti, kutali ciindi cilamfu cakainda, ku Nkomwe ya Kujwe, mudima mupati? Tiiba ka cimvwisya. Texas yakaba mu mudima mupati, mvwiki yainda. Taba konzyi ku cimvwisya. Sa mula mvwisya kuti eco ncitondezyo? Sa tamuysi kuti masi ali mukumwaika? Israyeli ili mu nyika yayo yacizyalilo. Elyo ezi zitondezyo zitondezya kuti tuli ku mamanino. I ciindi nciconya noku panga mudima mupati, sa tamuysi kuti eco ncitondezyo musinsimi nca kaamba? Inzya. “Pele kuyooba Mumuni kutandila ku ciindi caku mangolezya,” cakuti kuyooba Mumuni uyo pasuka ku ciindi caku mangolezya, cindi midima mipati a zintu nozyeenda nzila njo zibede lino.

⁶¹ Amulange buyo mbo kwakacita mudima mupati. I poopu waka zwaakuboola okuno.

Amuyeyeye, kutala ku cikombelo, cindi balo... Muli jisi mateepu. Nda yeeyela, nyoosne mula bweza. Obo Mwami mbwa katondezya okuya buzuba obuya, mu cikombelo, mbubonya awo makkalo aya mpa yooba a nzila mbwa yooba! Nda kali dulowede aa bboodi okuya, makkalo aambungano ayo ngo mubona awa akadulowa mu bbuku. Elyo ikuti na oyo Muuya

Uusalala tee wakaseluka mu Musumpululu wa Mulilo mupati, a kujokela nkoonya akuya ku bwaanda obo a kwadulowa, Mwini, kuciindi bantu bali myaanda yotatwe na yone kaba kkede, kaba Ulangide!

Elyo poopu mbwa katalikila buyo okuno, mweezi kumwi wakasiya. Elyo ba kabweza zifoto zyabo nzila njionya mbo wakadulowa kutala awo aa cibumbili. Lino wa kapanga lweendo lwakwe okuno mu theetiini, wakeenda ntaamo zili theetiini, waka kutauka mulalilo kuli bali theetiini, ku cisi ca mweelwe wa theetiini, akusiya kakuboola koonse. Sa tamu boni mpo tubede? Tuli ku ciindi camamanino.

⁶² “Basikusabula bayo buka ku mazuba akumamanino, kwaamba, ‘Kwiina lwandaano mu ciindi kwinda mbo cakabede, kwinda cindi bamatata besu niba kafwa.’”

Pele cindi mwa bona zintu ezi kutilika kucitika, amulungumike mitwe yanu, akulibambil. Cintucimwi inga cacitika kufumwa ciindi, Kristo uboolela Mbungano Yakwe.

⁶³ Lino, taba cisyomi, nkaambo cili ii...cili ii...Balo, ba leelede.... Taba mvwisyi kuti mbe mbabo bali mukuzulizya Magwalo. I bantu taba mvwinsyi nconzyo eco, kucita zintu ezi a kwaamba zintu ezi, bali mukuzulizya Magwalo.

Obo Kaifasi mbwakacita aniini, mupaizi mupati, a boonse bapaizi abo mu buzuba obo, baka sabula a ku Mu fubaazya, teeba kazyi eco, Leza nguonya ngo bakali kwimbila, “Leza Wangu, nkaambonzi Wa Ndi siya?” I Ntembauzyo 22, “Maanza angu a matende Angu bayasa.” Kwiimba boobo mu tempele, elyo Walo kafwa alya aa ciingano. Bakazi kusyoonto kuti bakali kucicita. Awalo Jesu waka paila, “Taata, koba jatila. Ta bazyi eco ncoba cita.” Nkaambo, bakali ambidwe kumbele, kwinda ku Magwalo, ku kuba boofu.

⁶⁴ Sa mwa kalizi kuti mbungano ya Protestant a Katolika zya kaambwa kumbele, mu mazuba akumamanino, ku kuba boofu, cintu neiconya, ku Magwalo, a Kristo kali anze, kasola kunjila? “Nkaambo wamba kuti, ‘Ndili vubide, nkabela taakwe ncebuleide,’ tozyi kuti uli sampaukide, mucete, mupenzi, sicinswe, a moofu, elyo to cizyi,” Ciyubunuzyo 3. Mpaawa mpo mubede, kujokela ku boofu alubo, kulyataula zintu zya Leza, mbuli kuti (bal) Ta caambi cintu kuli mbabo, kabasabula a ku Li fubaazya. Eco neco lya kaamba Bbaibbele.

⁶⁵ Pele, ku Mbungano, Nabwiinga, Kukwempwa nciyubunuzyo kuli Nguwe. Kula yubununwa kuli Nguwe. Kuti, ciyubunuzyo, Nabwiinga wini wa Kristo unolindila eco ciyubunuzyo ca Kukwempwa.

⁶⁶ Lino, calo nciyubunuzyo, nkambo ciyubunuzyo ndusyomo. To konzyi kuba a ciyubunuzyo kakutakwe kuba a lusyomo. Lusyomo nciyubunuzyo, nkaambo ncintucimwi eco cayubununwa kuli nduwe. Lusyomo nciyubunuzyo. Lusyomo

ncintucimwi eco cayubununwa kuli nduwe, mbuli mbu cakabede kuli Abrahamu, oyo wakaita cili coonse kwiiimpana kuli ceeco caka yubununwa kuli nguwe, mbuli kuti tii cakali boobo. Lino, lusyomo, obo lusyomo mbolubede, nciyubunuzyo ca Leza. I Mbungano iyakidwe aa ciyubunuzyo, Mubili woonse mbouzulwa.

⁶⁷ Okuno mwiki zisyoonto zyainda, Nda kali kwaambaula ku mukutausi mubotu muna Baptisti. Wa kaboola kubandika a ndime. Wa kati, “Nda kuyanda mbuli muntu, pele,” kati, “uli nyongene koonse.”

Nda kati, “Mpawo, Nda kulomba kuti undigwasye kululama,” (wa kati . . .) “a Lugwalo.”

Wa kati, “Ta tukakonzyi, Mukwesu Branham, kubikka zintu antoomwe kusikla twa bikka lyonse Ijwi atala a Ijwi, atala a Ijwi, mbubonya a Cigriki, azimwi zimbi.”

⁶⁸ Nda kati, “Oh, munene, ulizi kabotu kwiinda ceeco.” Nda kati, “Akwalo ku Kkanso yaku Nicaea, kaindi loko kuciimo eco, myaka ili myaanda yotatwe kuzwa ku lufu lwa Kristo, ba kacili kukazyanya kuti nguuli sicikolo mupati wa Cigriki waka luleme. Ula konzya kuziba. Calo nciyubunuzyo, cintu coonse. Calo nci . . .”

Wa kati, “Nse konzyi kuzumina ciyubunuzyo.”

Nda kati, “Mpawo mbobuti mbo konzya kuzumina Kristo?”

Wa kati, “Baa, Bbaibbele lyakati, ‘Oyo uusyoma ngu . . . ali Jesu Kristo, uli jisi Buumi buteeli.’”

⁶⁹ Nda kati, “Obo mbwini. Akwalo lyaamba kuti taakwe muntu inga waita Jesu kuteeti ngu Kristo cita biyo ku ciyubunuzyo ca Muuya Uusalala kuti cili yubunwidwe kuli nguwe.” Wabona? Mpawo mpo mubede, nkoonya kujokela, kuwida nkoonya kujokela ku ciyubunuzyo. Ceelede kuyubununwa, mu Bbaibbele.

⁷⁰ Kaini a Abela teeba kajisi Bbaibbele lya kubala, pele caka yubununwa kuli Abela, ku lusyomo, luli nciyubunuzyo. Abela waka tuulila Leza cituuzyo eibotu kwiinda ca Kaini. Eco, Leza nca kalungulula kuti wa kali mululami.

Cindi Jesu naka buzigwa awa, Matayo 16:17 and 18. Ta tujisi ciindi caku lubala, pele ikuti na tuyanda ku lulemba. Wa kati, “Muntu waamba kuti Ndi meni nde Mwana wa muntu?”

“Umwii wabo wakati Nduwe ‘Musa, Elias, na bumwi bumbi.’”

Wa kati, “Pele Mwa amba kuti Ndi meni?”

⁷¹ Wa kati, “Yebo nduwe Kristo, Mwana wa Leza muumi.”

⁷² Wa kati, “Ulacoolwe yebo, Simooni, mwana wa Jonasi, nkambo muntu uulya maila taku yubunwida eci. Taata Wangu uuli ku Julu waku yubunwida Eci. Atala aa mwaala oyu,”

ciyubunuzyo ca kumuuya ica Oyo Leza mbwabede, Oyo Jesu mbwabede. Elyo Ngu ciyubunuzyo ca Leza, Leza wakaba mu mubili wabantu a kuyubununwa ku inyika.

“Wa kali mu inyika. Leza wakali muli Kristo, kayanzanya inyika kuli Lwakwe, kayubununa obo Leza mbwakabede, mu mubili wabantu.”

“Nduwe Kristo, Umwi unanikidwe, Mwana wa Leza.”

⁷³ Wa kati, “Muntu uulya maila taku yubunwida eci, pele Taata Wangu uliku Julu waku yubunwida eci. Atala a mwaala oyu Njo yaka Mbungano Yangu, ciyubunuzyo ca Ijwi mu ciindiceelede Calyo. Njo yaka Mbungano Yangu, nkabela milyango ya gehena taikonzyi Kwi izunda.”

⁷⁴ I Bbuku lyamamanino ilya Bbaibbele. Lili namatikidwe kuli batasyomi. Omuya, Bbaibbele lilati, mu cipati 22, “Kufumbwa oyo ugusya Ijwi lyomwe kuzwa kuli Ndilyo, na kuyungizya ijwi lyomwe kuli Ndilyo, Njo gusya cibeeala cakwe kuzwa mu Bbuku lyamamanino ilya Buumi.” Tula mvwisya eco, mpawo, cakali maninide kupegwa ku basyomi. Elyo Li jula Bbuku lyamamanino ilya Bbaibbele. “Walo ngwa kulanga mbuli Alufa a Omega,” kuzwida ku Matalikilo kusika ku Ciyanunuzyo, Jesu Kristo nguwenya buyo, cigaminina ncobeni moonse. A kuyubununa maseseke Akwe amaninide ajatikizya Nguwe, a mabambe Akwe ku makkalo Akwe aambungano ayo eeleder kusika, alimwi akanamatikwa omuya ku Zinamatizyo zili Ciloba.

⁷⁵ Lino Bbuku lyamamanino ilya Bbaibbele, pele mpawo, amuyeyeye, Lyamamanino ilya Bbaibbele a Zinamatizyo zili Ciloba. Alimwi ezi Zinamatizyo zili Ciloba tii zyakeelede kujulwa (Ciyubunuzyo 10) kusikila ku kulizya kwa angelo waansi wamamanino aa nyika, Ciyanunuzyo 10:7. Mwabona? “Elyo ku mazuba a kulizya kwa Mulumbe wa angelo wamamanino, angelo waciloba, maseseke aa Leza eeleder kumaniziga mu bukkalo obo.” Kuti, alimwi obo mbukkalo mbo tuponamo.

⁷⁶ Toonse tu lizi kuti tupona mu Bukkalo bwa Laodikeya. Takukabi bukkalo bumbi kuli mbubo. Ta cikonzeki. Aboobo, tu pona mu Bukkalo bwa Laodikeya. Alimwi ezi Zinamatizyo zili Ciloba ezyo zijisi Bbuku eelyo, maseseke ku bantu, eeleder kujulwa ku buzuba obo. Mbo mbubo Mbwa kasyomezya. Lino, ta cikabi cimbi kunze lya Ijwi, nkaambo to konzyi kuyungizya ku Ijwi na kugusya kuzwa ku Ijwi. Lyeelede kalicili Ijwi lyoonse. Pele ciyubunuzyo nca kuyubununa Bwini bwa Ndilyo, obo Mbo libede, ku Li bamba kweelela a Lugwalo lumwi. Elyo mpawo Leza ula simpikizya eco kuba Bwini. Mwabona?

⁷⁷ Leza ta yandikani sikupandulula. Ngu sikupandulula Lwakwe Mwini. Ula cita bupanduluzi Bwakwe Mwini kwiinda ku kubamba zintu kucitika ezyo Nzya kaamba kuyooba.

Mbuli, ku matalikilo, Wa kati, “A kube mumuni,” nkabela kwakaba mumuni. Eco ta ciyandi bupanduluzi buli boonse. Ca kasimpikizigwa.

⁷⁸ Lino, Wa kasyomezya zintu zimwi mu buzuba obu bwamamanino, mu Lugwalo. Baa, nceeco mbo cakabede.

Obo Jesu mbwakali Mwana wa Leza. Wa kasyomezya ku Mutuma. Cindi Na kali mu mazuba Akwe ano aa nyika, nkabela bantu teeba kakonzya ku Mu syoma, Wa kati “Amulingule Lugwalo, nkambo muli Ngawo muyeeya kuti mujisi Buumi Buamani, alimwi Alo Nga lungulula Ndime. Ikuti na Nse citi milimo ya Taata Wangu, nkokuti muta Ndi syomi. Pele ikuti na tamu konzyi ku Ndi syoma, amusyome milimo Nje cita, nkaambo ilungulula Ndime Mbwe bede.”

⁷⁹ Ee, mpawo, mu bukkalo bwa Wesley, milimo nja kacita yakalungulula obo mbwa kabede.

Mu bukkalo bwa Luther, ku lubambululo, baa, masimpe, yaka lungulula mbwa kabede.

⁸⁰ Mu mazuba aba Pentekoste, kuboozya kwa zipego, kuboozezya kwa zipego, ku kanana mu myaambo a kutanda madaimona, a zipego, baa, yaka lungulula. Kwakanyina kudana kujatikizya njiyo. Bantu bakati, cindi niya kabuka lutaanzi... Nda kabala mabbuku aa makani akale ajatikizya Pentekoste. Ba kati, “Ta konzyi kutola kaindi kalamfu. Iya kuzima.” Ici yaka. Nkaambonzi? Nkaambo tamu kakonzyi kwiiizima. Leza wakati iyooba ko. Ncibeela ca Ijwi, alimwi to konzyi buya kuzima eyo.

Elyo mpawo cindi Nabwiinga anoitwa kuzwa, mbobutu mboya ku cizima? Calo nciyubunuzyo ca luyubunuko lwa Ijwi lyabambwa bwini. Elyo tu pona mu buzuba obo; alumbwe Leza; ciyubunuzyo ca maseseke a Lwakwe.

⁸¹ Lino, Kukwempwa kuli biyo... Oku Kukwempwa nko tubandika, nkwa Nabwiinga biyo. Amuyeeye, Bbaibbele lyakati, “Elyo bamwi bafu tiiba kapona kwa myaka ili cuulu.” Oku Kukwempwa kupati! Ikuti na takukwe Kukwempwa, beenzuma, mpaali mpo tubebe? Ino tuyoo cita nzi? Ino tupona mu bukkalo nzi? Ino ncisyomezyo nzi neco tujisi? Kuyooba Kukwempwa. I Bbaibbele lyaamba kuti kuyooba. Elyo kuyooba kwa Basale biyo, Mulindu Musale, Nabwiinga mu buzuba obuno, oyo wakasomonwa, Mbungano.

⁸² I bba-...bbala ndilyonya, *mbungano*, lyaamba “bakaitwa kuzwa.” Mbuli Musa mbwakaita cisi kuzwa ku cisi, Muuya Uusalala wiita Nabwiinga kuzwa ku mbungano; Mbungano kuzwa mu mbungano; mamembala, kuzwa mu kabungwe koonse, kukupanga Nabwiinga, samu lya Nabwiinga. Ii mu i-mu teepu, *I Samu Lya Nabwiinga*. Ii Nabwiinga kazwa, kwiiitwa, alimwi abo mbe mbabo ba... samu ya Nabwiinga ngu, Nabwiinga, mubwini, ngo nguwe uyooba mu Kukwempwa; kuti,

alikke, kwiina pele Nabwiinga, bamwi basale bakazibwakale aa Leza kuzwa ku matalikilo, majiini akumuuya aa Taata.

Andi ime ncobeni awa aniini. Elyo Ndi zumanana kulibilika, Nke yeeya kuti ndamujata, ndamujata kwa ciindi cilamfu.

⁸³ Pele, amuzibe, amulange, umwi aumwi nobantu. Sena mulizi, myaka kamutana kuzyalwa, mwakali muli bauso mbuli jiini? [Mbunga yaamba, “Ameni.”—Mul.] Mbo mbubo. Ii mbuto, nseke, wakali muli bauso; uzwa kunkwela ya mweenze, kutali muzyazyi. Mwabona? Muzyazyi upa iji, busena bwakuzyalila. Pele mbuto izwa kuli ta.... Lino, kwaamba, muli taata wangu....

⁸⁴ Na, mwana wangu ukkede awa, cindi Ne kali a myaka ili kkumi acisambomwe yakukomena, mwana wangu wakali muli ndime. Nse kamuzyi, pele wa kaliko. Lino, kwinda ku busena bwakuzyalila, kwiinda ku lukwatano lusalala, wa kaba cinkozya cangu. Ndili muzi. Nda konzya kuba a luswaanano a nguwe. Alimwi wa kasika buyo a cindi nicakali ciindi ciluleme.

⁸⁵ Lino, aboobo wakali mukati, ikuti na ujisi Buumi Butamani, wa kali ii... muli Leza kakutaninga akwalo kuba inyika. Uli cibeeala, mwana wa Leza, bube bwa Leza. Wa kalizi bukkalo mbubonya mbokali kuboola. Wa kakukanzila ku bukkalo obo, ku kubweza busena obo, alimwi taakwe umwi ukonzya ku butola; nsikwe ndaba kuvula kwa kulikozyanisa a zintu. We elede kuba okuya, nkaambo Wa kalizi kuti uyakuba ko. Lino wa yubulululwa mu mibili. Lino ula konzya kuba a luswaanano a Ngewe, alimwi olo Ndwa yanda. Walo usukamina luswaanano, ku kombwa. Pele ikuti na buumi bwako tii bwa... lyoonse wakali bube muli Leza, uli sikulicenggeezya buyo kwa Bunakristo. Mwabona? Kuyooba mamilioni aa mabbilioni ambabo, bayooba buyo basikulicenggeezya ku Bunakristo.

⁸⁶ Ii bukanazi Mbwe kazwa kwaamba calino buya. Nda kali kulangilila Mukwesu Demos Shakarian kubusena okuya, cindi nibakali kutintanya ng’ombe, kalangilila matesti tyuubbu, a zimwi zimbi, mu kubwezegwa ku madokotela, akulangilila ezi zintu.

⁸⁷ Mu kusuba kwini kwa mweenze, ku ntaamo imwi kuli mbuto zili milioni ziboola kuzwa ku mweenze aa ciindi acimwi. Elyo ku ntaamo imwi maji ali milioni aboola kuzwa ku muzyazyi ku-ku ciindi nciconya. Pele sena mwakalizi, muli zyoonse mbuto ziniini kazyeendauka koonse, milioni yazyo, kuli yomwe biyo yaka salilwa buumi, alimwi kuli iji lyomwe biyo lijis munzuka? Elyo mbuto eyo niini ila kwakwalika kwiinda moonya muli zyoonse imbuto zimbi ziniini, mpoonya atala lya mbuto amwi niini yoonse iboneka buyo mbuli njiyo, a kuboola atala lya *yeeyo* a kuboola *awa*, a kujana eelyo iji lijis munzuka a kukwakwalika muli ndilyo. Elyo mpawo zimwi zyoonse zilafwa. Baa, amwaambaula makati a kuzyalwa kuli nakalindu, oh,

tacili cisela mbuli maseseke mbuli kuzyalwa kwakunyama, nzila mboya kasalwakale, kakanzwa aa Leza!

⁸⁸ Lino, ku matalikilo, kaindi loko, kaindi myaka yakainda ciindi kacitana talika kuba, yebo, ikuti na uli Munakristo wakazyalululwa, sunumasiku, wakali muli Leza kaindi, Uso. Nke kaambo, cindi wasika mu buumi obu okuno a kulibanda Bunakristo, ee, zintuzyoonse zyeenda buteellede, wa kagambwa kaambo *eci* mbocibede, alimwi coonse *eci*. Ci, wa kacigambwa. Pele, buzuba bumwi, Cintucimwi caka kuuma. Ino Ca kali cinzi? Obo Buumi bwakali kunsi omuya, kuzwa ku matalikilo. Elyo ikuti ci...

⁸⁹ Mbuli kaano kangu kaniini kajatikizya sikwaze, ka cijana, ngu nyina kajana sikwaze. Mwa kandimvwa kukambauka ali ceeeo, nzila oyo sikwaze muniini mbwa kakonkolwa kunsi lyu nkukunseke. Pele yalo, zilengwa zyakwe zyakusola ku sanina—sanina nkuku, sikwaze muniini takakonzya kucicita, nkaambo takali nkuku, ku kutilika. Nekubaboo, wa kali mu caanda a nkuku, a kutobela nkuku. Pele yakali kuyanga mu lubuwa lwa butala a zintu, nkabela sikwaze muniini takali kukonzya kucizunda. Pele ciindi coonse yakali kulilalila a zintuzyonse, nkuku zyoonse ziniini zyakali kuunka, aboobo wa kali kuunka awalo. Pele buzuba bumwi...

⁹⁰ Nyina wa kalizi cuti wa katula maji obilo, kutali lyomwe. Kwa keelede kuba lyomwe limbi, kumwi. Waa kaunka kuyo livwima, kauluka koonse, kazunguluka. Kumalekelo wa kaboola ku lubuwa lwa butala, nkabela wa kajana mwana wakwe, nkabela waa kakwiila kuli nguwe. Lyu kali jwi, lyakuti, wa kavwisya cuti eco cakali cintu ca keelela. Nce ncico ncakali kuyandaula, mwabona, alimwi wa kamvwisywa mpawo cuti taali nkuku. Wa kali sikwaze.

Elyo nje nzila, aumwi Munakristo wakazyalululwa, cindi wa boola. Nse kwe ndaba na ntubungwe nto kasangana, mazina manji, wa kabikka zina lyako mu mabbuku a zintu, cindi eelyo Ijwi lini lyu Leza lyu simpikizigwa a kubambwa bwini kumbele lyako mbuli boobo, ula ziba cuti nduwe sikwaze, mpoonya alya. Nkambo, koonse kulilalila oku kwa nkukunseke, “Ko sangana *eyi* a kusangana *eyi*, a kuunka nzila *eyi* a nzila *eyo*,” mbu fubafuba. Nkwa kasimpe, kuyungizya Ijwi ku Ijwi.

⁹¹ Cindi mbuto yasika mu zyalilo lyu—lyu nzyazyi, tai toli... Yebo, tokaba mbuto yabuntu kuzwa kuli bauso, alimwi mpawo cintu citobela uba mbuto izwa ku mubwa, a cintu citobela kuzwa kuli kaaze, cintu citobela kuzwa ku nkuku. Yoonse yakali mbuto ya buntu.

Elyo Mubili wa Jesu Kristo, Nabwiinga, uyooba cibeela ca Mubili Wakwe. Calo ciyo... Wa ali Ijwi, a Nabwiinga weelede kuyoooba Ijwi; Ijwi kuyungizigwa ku Ijwi, kuyungizya ku Ijwi. Kululamikwa kwa Luther, kusalazigwa kwa Wesleyi, lubbizivo

Iwa Muuya Uusalala lwaba Pentekoste, kuboozezya kwa zipego, a zyoonse zimwi Zyalyo, ziinka a Ndilyo. Mwabona? Lyeelede kuba Ijwi atala lya Ijwi, mbuto atala lya mbuto, Buumi atala lya Buumi, ku kuzyala ciimo cizwide ca Nabwiinga wa Mwami Jesu Kristo. Lino, yeeya, wa kali bube.

⁹² Elyo lino, cintu caco nkuti, twa mana kuziba zintu ezi, kuti Kristo uboolela Nabwiinga Wakwe, lino mboobuti mbo tunjila muli Nabwiinga oyo? Oyo ngo mubuzyo.

Banji balati, “Sangana mbunga yesu.” Umwi wabo uyanda musyobo umwi wa lubbizyo. Umwi uyanda kucita *ceeci* na *eco*. Umwi wakati, “We elede kukanana mu myaambo, nape to Ujisi.” I umwi umbi wakati, “To elede kukanana mu myaambo.” *Oyu* umwi waamba kuti, “We elede kuzyana mu muuya.” *Oyu* wat, “We elede koongolola.” *Oyu*, “Jisi kunyanyamukwa.” Koonse kuli kabotu, alimwi mpawo, nekuba, koonse ta kuluzi.

Mbobuti mwaalumi mbwakonzya kuti . . . na mwanaakazi, na mwana wa Leza, oyo wakazyalwa aa Muuya wa Leza, kukaka Ijwi lya Leza? Cindi, Leza Mwini ka Li pandulula a kwaamba, “Eli nde Ndilyo. Nda ka Li syomezya. Ndeeli mbo Li bede,” ku Li tondezya cantangalala mbuli mbo Li konzya. Baa, bali sinikizidwe ku Li bona. Mwabona? Mbobuti Kristo mbwa konzya kukaka Ijwi Lyakwe Mwini? Alimwi ikuti na Kristo uli muli nduwe, Ta konzyi kukaka Ijwi Lyakwe Mwini.

⁹³ Mpawo mbobuti mbo tunjila mu Mubili oyu? Bakorinto Bataanzi 12, “Ku Muuya omwe toonse tula bbizigwa mu Mubili oyu, ku lubbizyo lomwe lwa Muuya Uusalala.” Kuteeti, ikuti na uyanda kulemba eco, mu Bakorinto Bataanzi 12:13. “Elyo ku Muuya omwe toonse tula bbizigwa.” Elyo Muuya Mbuumi bwa Kristo. Sa mbo mbubo? [Mbunga yaamba, “Ameni.”—Mul.] I Buumi bwa Kristo! Elyo buumi bwa mbuto ili yonse . . . Yalo, Wa kali Nseke ya Ijwi, ileta Ijwi ku Buumi. Mwa cimvwa? Ikuti na obo—ikuti na obo Buumi buledé mu Nseke, alimwi olu lubbizyo lwa Muuya Uusalala lwasika ali Ndilyo, ili sinikizidwe kuzyala Buumi bwa Nseke.

⁹⁴ Mbuli Mbwe kamwaambila, okuno ku Phoenix, kutali ciindi cilamfu cakainda. Nda kali kwaambaula ku Mukwesu John Sharrit. Nda kali kubusena okuya, nkabela wa kandi tondezya samu, lya sitrasi. Wa—wa kalima micelo minji ya sitrasi. Elyo wa kandi tondezya samu lyomwe, lya kajisi misyobo ya micelo yandeene ili lusele na fuka ali ndilyo. Elyo Nda kati, “Mukwesu Sharrit, ino musyobonzi wa samu eelyo?”

Kati, “Ii samu lya fuleenke.”

Nda kati, “Nkaambonzi malemoni, a ma tangerini, ama tangelo, a micelo yamagirepu?”

Wa kati, “Nja micelo yoonse iya sitrasi. Yaka somekwa.”

“Oh,” Nda kati, “Nda bona. Lino, mwaka uuccilila, liyo zyala mafuleenka oonse nkaamb- . . .”

⁹⁵ “Oh, peepe. Samu lyoonse liyo zyala yawo ini. Mutabi aumwi uyo zyala micelo yawo ini.”

⁹⁶ Bunji bwanu nobalimi bamicelo mulizi obo, okuno mu kkuti lya masitrasi. Uyo zyala yayo ini. Wa bikka mutabi wa lemoni mu samu lya fuleenke, uyo zyala ma lemoni, nkaambo mbulenge bwa mucelo wa sitrasi. Nekubabooobo, tau kazyali micelo mitaanzi ini.

Alimwi ncencico nco twa cita. Twa somekwa mukati, kunjizya buzumini bwabukombi, azimwi zimbi, a kusomekwa aumwi, awa. Mbobuti ba Methodisti mbo bakonzya kuzyala cimwi pele mwana wa Methodisti? Mbobuti kabungwe kamwi mbo kakonzya kuzyala cimwi pele mwana wa kabungwe?

⁹⁷ Pele ikuti eelyo samu lyasola kusonsa mutabi mutaanzi wini, liyo zyala mafuleenke.

Elyo mpawo ikuti na Leza wasola kucita cimwi mu Mbungano, ciyooba citaanzi cini, kujoka a Ijwi alubo. Mbombubo. Yeelede kuba, nkaambo Buumi buli mu Samu, alimwi Li zyala musyobo Walyo wini.

⁹⁸ Lino, cindi twa ziba, lino, kuli mbungano mpati eyo yaka selemuka, kwiinda mu makkalo, kaizyala micelo yayo. Elyo mbuli mitabi mboileka, bala ikokola. Mu Musalali Johane 15, taka kokweda Musaansa, lino. Wa kagusya ntabi, ka zigonka, nkaambo tee zyakali kuzyala micelo imwi. Elyo—elyo tu . . .

⁹⁹ Jesu uyanda micelo yayo, ya Nguwe. Mukaintu Wakwe weeledе kuzyala musyobo wa bana mbuli Mbwa bede.

Mpawo, ikuti na tau zyali bana, bana ba Nabwiinga, bana ba Ijwi, nkokuti mwana wakabungwe. Mpawo, luyandisyo lwakwe lutaanzi, lwa inyika a kabungwe, Ula jokela kuli olo. Elyo taka konzyi kuzyala Munakristo, wini, wakasimpe wakazyalululwa, nkaambo kwiina cintu caku Li zyala.

¹⁰⁰ Mbuli buyo ikuti wa bweza ntabi ya lemoni a kwiisyonka omuya, iyo leta malemoni, pele tai konzyi kuleta fuleenke, nkaambo tee lyakaliko ku matalikilo. Pele wa kasalwa ku matalikilo, kuzibwakale kwa Leza, kakanzwa a kuzyalwa, weeledе kuzyala fuleenke. Tai konzyi kuleta cintu cimbi.

¹⁰¹ Eyo nje nzila ku Mbungano ya Leza muumi, cindi oora lyasika. Bantubonse . . . Amu lekele Leza kutalika kucita cintucimwi, bantubonse ba jisi bbola a kuunka. Mwabona? Lyoonse cakali munzila eyo.

Nda kali kubala mu makani akale, akwa Martin Luther okuno kutali ciindi cilamfu cakainda. Kati, “I . . . Tii cakali ciyumu loko kusyoma kuti Martin Luther wakali kukonzya kukazya mbungano ya Katolika a kuta subulwa kuli njiyo. Pele,” kati, “cintu ceenzu, ncakuti wa kali kukonzya kwiimika mutwe

wakwe atala lya kwiindilizya koonse kwa katobela lubukusyo lwakwe, nkabela kacikkede caku tonkomana ku kululamikwa kwakwe.” Mwabona? Zintuzyonse buyo, kulikozyanisya a zintuzyonse, zyaka mutobela.

¹⁰² Amulange Muka. Semple McPherson, Aimee Semple McPherson, wa kajisi tempele eli abusena awa. Woonse mulindu mukambausi waka jisi mababa, a kupakata Bbaibbele nzila njionya, kulikozyanisya buyo—buyo kwakunyama!

Taba konzyi kuba bataanzi beni. Eyo nje nzila mambungano mbwa takonzyi kuba. Mwa lekela mbungano yomwe kujana cintucimwi cimbi mu dolopo, mbungano imbi tai konzyi ku ciiminina. Bala cijana. Mwabona? Taba cili bataanzi beni pe.

Ijwi lya Leza nditaanza ncobeni. Ndi Ijwi, alimwi Lye elede kuzyala musyobo wa Ndilyo; Walo musyobo mu ciindi Calyo ceelede, cisalidwe, cakaknzwa a Taata, Leza.

¹⁰³ Lino mbobuti mbo tunjila mu Mbungano eyi? “Ku Muuya omwe toonse tula bbizigwa mu Mubili oyu omwe, Mubili wa Kristo,” uli ngu Nabwiinga, Ijwi. “Kabbizigwa omuya ku Muuya Uusalala.”

¹⁰⁴ Lino atu bone naa tuli mu bukkalo bwamamanino, na pe. Lino tula jana, ikuti na twa pilukila mu Matalikilo, kutandila, oh, kutandila cipati 5, inga mwa jula akwalo kuli Luka a kuziba, kuti Enoki wakali waciloba kuzwa kuli Nowa. Enoki.

Mpaawo kwajata lunyungu lwa nzoka. Nkambo, ikuti na Kaini wakali mwana wa Abela, nkokuti wa kali walusele. Mwabona? Pele taakwe abusena mu Bbaibbele mpo lyakati Kaini wakali mwana wa Abela . . . na Kaini—na Kaini wakali mwana wa Adamu. Nkaambo, kakuti, Bbaibbele lyakati, “Wa kali wa umwi mubi.” Elyo Adamu takali umwi mubi. Mwabona? “Wa kali wa umwi mubi.”

¹⁰⁵ Lino tu jana kuti awa Enoki wakali waciloba kuzwa kuli Nowa, cakali cikozyanyo ca makkalo aa mbungano. Lino, boonse bamwi baalumi bali cisambomwe, baka mutangunina, bakafwa, pele Enoki wakatolwa kujulu. Enoki wakakwempwa, waciloba kutondezya kuti mbukkalo mbwa mbungano yaciloba njei bweza Kukwempwa. Lino, kwiina kuzumbaunya, tuli mu bukkalo mbwa mbungano yaciloba. Toonse tulizi obo.

¹⁰⁶ Lino, mbukkalo bwa mbungano yaciloba obo bubweza Kukwempwa. Oonse ambi ali cisambomwe akafwa. Pele Enoki wakatolwa kujulu, nkaambo, “Ta kajanwa. Leza waka mutola.” Pele Enock, wakakwempwa, wakali cikozyanyo ca boonse bamwi bakali kufwa. Pele i—i Nabwiinga wa ciindi camamanino uyo itwa kuzwa ku i . . . I kuya bukwempwa, kakutakwe lufu, uyo itwa kuzwa mu bukkalo bwa mbungano yaciloba, obo motubede lino mukupa bumboni bwa bukkalo obo. Oh, ma! Atu sye lino, kusakana ncobeni. Mwabona?

¹⁰⁷ Lino, awa, akwalo cikozyanyo ca makkalo aambungano ali ciloba, ali, mu Ciyubunuzyo 10:7, kuteeti maseseke mapati aa Bbuku akeeleda kuvungululwa kwinda ku Mulumbe wa angelo waciloba.

¹⁰⁸ Lino, kuli Mutumwa atala, lyoonse, alimwi mutumwa aa nyika. I bbala lya Chikuwa *angelo* lyaamba “mutumwa.” Elyo mu Mulumbe wa angelo waciloba, kuciindi na kali kwaambilizya wakwe, mulimo wakwe, “mpawo cindi na katalika kulizya mulimo wakwe,” kutali cindi na katalika.

Jesu, cindi Na katalika, Wa katalika kuponya baciswa a bapengede. “Oh, oyo Rabi mupati! Walo Musinsimi.” Bantubonse bakali ku Mu yanda mu mbungano yakwe.

Pele cindi Na kakkala buzuba bumwi, a kuti, “Mebo a Taata Wangu tuli Bomwe,” olo lwakali lwandaano. Olo lwakali lwandaano. “Elyo mwatalaya mibili wa Mwana wa muntu, a kunywa Bulowa Bwakwe, tamukwe Buumi muli ndinyewe.”

“Baa, Ngu sikunywa malowa aabantu!” Mwabona? Mwabona? Eco cakali cimbi.

Ta ka cipandulula. Ba kabwene kale luyubunuko, kusimpikizigwa kwa Ijwi lya Leza lya bukkalo Bwakwe, kubambwa kasimpe a kutondezegwa kuli mbabo kuti Wa kali oyo Mutumwa wa bukkalo obo. Elyo Ta keelede kupandulula cintu.

¹⁰⁹ Abo basikwiya niba takakonzya ku Ci pandulula. Pele baka Ci syoma, naa bakali kukonzya ku Ci pandulula na pe. Ba katonkomana a ku Ci syoma. Mbobuti mbo bakali kukonzya kuziba ikuti na bakali kuyolya mibili Wakwe a kunywa Bulowa Bwakwe? Baa, cakali ciyumu kuli mbabo ku cicita. Pele baka Ci syoma, nkaambo bakali salidwe. Jesu wakati Wa “kabasala kuzwa ku malengelo aa inyika.” Mwabona? Baka Ci syoma. Naa bakakonzya ku Ci pandulula, na pe, baka Ci syoma nekuba.

¹¹⁰ Lino amulange, lino, mu bukkalo mbwa mbungano yaciloba, “Cindi angelo waciloba akutalika kulizya, maseseke aa Leza ayo yubununwa mpoonya awo,” Zinamatizyo.

Kuti, basilubambululo kuti...niba baka jisi ciindi. Luther ta kajisi ciindi cilamfu, naanka Wesley. I makkalo taka pona kwa ciindi cilamfu, balo basilubambululo. Ba kali jisi mulumbe wabo wa buzuba obo, alimwi bantu baka cimvwisya a kucibamba kabungwe. Elyo ino ncinzi?

¹¹¹ To konzyi kuzunda bulenge. Bulenge bula lungulula lyoonse. Leza mubeleka mu buzumanane a bulenge. Ci leeleda kucitika.

Mbuli zuba. I zuba lila pasuka kuseeni, lili mbuli muvwanda muniini wazyalwa. Uli kompeme, ali jisi kupya kunji kuli ndilyo. Teeni okuloko isikati, uzwa ku cikkolo cipati. Akalanga bweeseme, linjila mu buumi. Thrii okuloko isikati, lya cembaaala. Faivi okuloko, lili mukufwa. Kuceembala

a kukompama alubo, kupilukila ku cuumbwe. Sa ayo nge magolelo a ndilyo? Liyo pasuka alubo, kuseeni kutobela. Mwabona?

¹¹² Amulange masamu, nzila mbwa sonsa matu awo, zintuzyonse nzya cita. Lino tu jana kuti, matu ala loka kuzwa ku samu, alajokela. Ncinzi? I buumi bwiinka ansi ku miyanda ya samu. Sa ayo nge magolelo a mbubo? Alapilukila ku butololo butobela, a buumi bupya.

¹¹³ Lino amulangilile mambungano, mbwa cita cintu nciconya mu Lubambululo. Ila yutuka. Obo bulotwe bwa whiiti bwakawida mu bulongo a kufwa, kunsi lya kupenzegwa kwa bukkalo bwamusinze. Bwa kaunka mu bulongo. Bweelede kufwa. Kufumbwa muntu, simuuya, inga wabona eco. Kut, citakuti nseke yafwa a kubola, ila kkalila ailikke. Alimwi yeelede kunjila mu bulongo, kunsi lya bukkalo bwamusinze. Ya kalala okuya, yakabola. Elyo yakayutuka mu matu obilo maniini aa mbungano ya Lutherani. Kuzwa ku mbungano ya Lutherani, kaleta matu manji, Zwingli abamwi bambi. Kuzwa awo kwa kaboola mu ngalala, oyo wakali John Wesley, bukkalo bupati bwabumissionari. Bwa kalekezya. Kuzwa awo kwa kasika bukkalo bwa kweena, bukkalo bwa Pentekoste. Obo bulotwe bwa whiiti, bwa . . .

¹¹⁴ Uli onse wakasola, awa, kasola kulima whiiti umwi na? Amulange whiiti oyo cindi wa ulanga. Cindi waunka kubusena okuya, kwaamba, "Ndi jisi whiiti." Uboneka mbuli kuti ujisi whiiti okuya. Ko ujula kabotu loko a kulangisya. To jisi whiiti pee. Yebo ujisi cikwa. Sena Jesu taka tucenjezya kuti, muli Matayo 24:22 . . . -yane? "Ku mazuba akumamanino, kuti, myuuya yobilo iyo tandila kukozyanya loko, kuteeti iyo cenga whiiti isalidwe lwayo ikuti nicakali kukonzeka." Mwabona? Lino amulange. Calo nciyumuzyo.

¹¹⁵ Lino, Buumi obo bwakayutuka kwiinda muli Luther bwakapanga Wesley. I Buumi obo bwakazwa muli Wesley bwakapanga Pentekoste. I Buumi bwakazwa mu Pentekoste bwapanga whiiti. Pele balo nziyumuzyo. Mwabona? I Buumi bwini bulainda omuya. I Mulumbe ulainda, pele Uya bulundanina mu whiiti. Ako nkekaambo whiiti ncoi yutuka a kuleta cintu coonse mu Kukwempwa, atala awa ampela. I Nabwiinga, Lwakwe, uzwa mu bukkalo abumwi. Pele cikuba cakabungwe cilafwa, kuyuminina a kufwa. Sena mwaka bona, aya mazuba akumamanino, nzila mbo citalika kusomoka lino? Cindi eyo whiiti yatalika kukomena, mpawo i—i cikwa citalika kuzwa kuli Njiyo.

¹¹⁶ Amu cebukile muli eyo whiiti niini cindi mwa ilanga. Amwisomone kujula mbuli *boobu*, a kulanga muli njiyo a kubona. Mujisi katu kaniini ka whiiti kusule okuya. Mweelede

kubweza cilanzyo canguzu zili makumi otatwe ku kulanga muli njiyo, kubona katu kaniini ka whiiti kusule okuya. Mwabona?

Kali kusule kwini omuya, pele Kala talika kukomena. Lino, eco cikwa ceelede kubako, ku kuyusa kwa Ceeco, ku Cipa ciindi cakuyutuka. Pele mpawo cindi Ca talika kukomena alimwi Mulumbe watalika kumwaika, mpawo cikwa cila somoka kuzwa kuli Nguwo. Elyo Buumi bulazwa ncobeni ku cikwa eco, kunjila moonya mu whiiti. Kuzumanana! Eyo nje nzila bukkalo abumwi mbo bwakacita. Bu biyo—bu konzyi buya kuzunda bulenge. Ngu... Obo mbuzumanane bwa Leza, nzila Mbwa cita zintu.

¹¹⁷ Elyo lino obo mbukkalo mbo tuponamo ndyoonya lino, bukkalo bwa mbungano yaciloba. Lino, koonse kweelede kuyubululwa mu museke wa whiiti ku mamanino, kupilukila kumbi. Lino, ikuti na mwa bweza Luka cipati 17 a kampango 30, Wa kati, “Mbuli mbo kwakabede ku mazuba aa Sodomā, mbubonya mbokuya kuba mu kuboola kwa Mwana wa muntu, cindi Mwana wa muntu akutalika kulyubununa Mwini.” Niinzi *kuyubununa?* Kuzibya ciyubunuzyo Cakwe ca Mbwa bede mu buzuba obuno. Kuyubununa, kuzwa kuya ku bantu, Ijwi ly a katondezegwa ku buzuba. Kuyubununa, ku bantu, kwiinda ku luyubunuko lwa Muuya Uusalala kubamba oyo Jesu kupona akati kesu. Elyo, amuyeyye, Wa katondezegwa mu muntu. Ii muntu! Wa kati, “Mbuli mbo kwakabede...” Lino, Wa kabala Bbaibbele ndilyonya ndo tubala, Matalikilo. Lino, tula bona mu Matalikilo ayo cipati aciya, cindi Jesu nakali kwaambaula makani ancico.

¹¹⁸ Tu jana, kuti, muli eco, a sule Lyakwe kalifutete ku tente elyo, nkabela Sara kali mu tente. Wa kati, Wa kabuzya mubuzyo. Elyo ta kasyoma eco cakali kuyo citika kuti cakali kukonzya kicitika. Wa kati, “Lino, Abrahamu, Ndiyo muswaya kweendelana ku ciindi ca buumi.” Mwabona? Elyo Sara, mu tente, wakaseka makani ancico. Wa kati, “Nkaambonzi Sara waseka, mu tente, kwaamba kuti, ‘Mbobuti ezi zintu mbo zikonzya kuba?’”

¹¹⁹ Jesu wakasyomezya. Alimwi Oyo wakali Nguwe. Abrahamu waka Mwi ita kuti, “Elohim,” Singuzuyonse. Oyo wakali Nguwe. Lino, Bbaibbele ly a kaamba kumbele kuti kuyo bweeda mu mazuba akumamanino. Jesu wakaamba boobo. “Elyo cindi mwaakubona zintu ezi kutalika kutola busena,” amuyeyye buyo, cindi eci catalika kicitika mbuli eco kaindi, kuti, “muya kuziba kuti ciindi cili munsi ku mulyango.”

¹²⁰ Amulange inyika lwayo. Amulange inyika, Sodoma, ikuti na kwakasola kuba Sodoma. Amulange bantu bapilingene mu lupilingano luli obo. Mizeeo yabo ilipilingene. Ta bazi kulilemeka kubotu kwalyonse kuti niinzi. Amulange zya

kunze lyacuulu . . . [Kabeela katakwecintu aa teepu—Mul.] . . . zyankwela a zintuzyonse.

Alimwi amulange banakazi besu, mictito mibyaabi ya luuni njo bacita. Amulange kusunda kubyaabi kwa luuni, bwaamu akati ka banakazi besu. Elyo kutali biyo besu . . .

Nywebo mwati, “Abo mba Methodisti.” Abo mba Pentekoste, abalo. Calo ncintu coonse.

¹²¹ Amulange bamaalumi besu. Bala jatilila, mibusena bwa Ijwi lya Leza, mu tunsiyansiya tumwi tuniini twa kabungwe. Bala jatilila kuli nkako, mibusena bwa kuzwa kakuli bala bona Leza kalyubununa Mwini cakulondoka. I kaambo, nkakuti mboofu. Taba konzyi ku Li bona. Taakwe nobayo Li bona.

Lino amulangilila eco cicitika awa muli ceeci, kuciindi notubinda.

Ndi yeeya kuti ulya mulindu uyanda kuti tuzwa. Nda mubona kapusya janza lyakwe, cintucimwi cimbi kujatikizya nguwe nkuyanda kuti tukotoke, aboobo ncibotu ndabinda.

¹²² Aboobo lino amubone Enoki, cikozyanyo ca Mbungano. Mpaawa awalo ncikozyanyo mu bukkalo bwa mbungano yaciloba. Sa inga mwaciyeeya eco? I bukkalo bwa mbungano yaciloba! Amubone. “Ku kulizya kwa . . .”

¹²³ Mbangaye basyoma kuti kwakali batumwa bali ciloba ku ciloba ca mambu- . . .? Oh, toonse tula cisyoma, ikuti na tusyoma Bbaibbele. Ikuti na ta tusyomi Bbaibbele, mubwini, mwabona, ta tu cisyomi. Pele kwa kaliko.

¹²⁴ Lino tupona mu bukkalo bwa mbungano yaciloba. Elyo cindi Bbaibbele lya kati, obu bukkalo bwa mbungano yaciloba, “Cindi mutumwa wa bukkalo bwa mbungano yaciloba akutalika kulizya Mulumbe wakwe, nkuti maseseke oonse azintu zya kasiswa, muciindi ca bukkalo, ziyo yubununwa mu ciindi eco.” Mpaawa twa cibona, Mwana wa muntu kaboola akati ka bantu Bakwe a kucita mbubonya buyo, kusimpikizya Mulumbe Wakwe buli Mbwa kaamba kuti Uyo cita. Mpaawa twa cijana, mu bukkalo obu bwamamanino lino.

¹²⁵ Elyo kulangila kuli ciloba, mbuli kulangila kwaciloba, kwa kumwi kwasika. Ta kasika mu kulangila kutaanzi, kwabili, kwatatu, kwane, pele kaboola mu kulangila kwaciloba. Oyo wakali Enoki, waciloba, oyo wakatolwa kujulu. Alimwi Nowa, mukuba cikozyanyo ca muusyaalizi wa ba Juda, ngwa kutolwa atala. Lino, mu ziindi zya Bbaibbele, kwaambaula makani aa kulangila. Elyo masiku takaaabawidwe mu maoora pe, mu ciindi ca Bbaibbele.

¹²⁶ Lino amuswilile kabotu loko. Nkaambo, Ndila binda lino, nkaambo bayanda busena. Peepe. I Bbaibbele ta lyaabawidwe, na—na . . .

¹²⁷ I busiku tabwaabawidwe mu maoora, mu ciindi ca Bbaibbele. Bwa kaabawidwe mu kulangila. Kwakali kulangila kotatwe. Lino, kulangila kutaanzi kwakatalika kuciindi ca naini kusikila twelufu. I kulangila kwabili kwakatalika kuzwa twelufu kusika ku thrii. Alimwi kulangila kwatatu bwakali busiku bwaka balwa kuzwa thrii kusika sikisi. Lino, tu jisi kotatwe, kotatwe kuli kotatwe, kuli ngu naini, mweelwe utalondokede. Mpawo twa piluka ku ciloba ku Kukwempwa, oko kuya kicitika, Nda syoma, akati a sikisi a seveni okuloko... na sikisi a naini okuloko, cifumo neiconya. “Nkambo mweembo wa Mwami uyo lila.”

Ku cifumo eco citakwe makumbi a cibotu cindi
bafwide muli Kristo nobaya kubuka,
A bulemu bwa bubuke Bwakwe bwaabanwa;
Cindi basale Bakwe baku bungana ku minzi
yabo kwiindilila mulengalenga,
Cindi kuzulwa nokuyo itwa kutala, Ndiyo
bako.

¹²⁸ I bbala *kukwempwa*, mu Bbaibbele, tali belesegwi akwalo pee. Twa bikka buyo bbala elyo omuya. I Bbaibbele lyaamba, “kutolwa kujulu; mu kutolwa kujulu.” Tula bala awa mu Batesalonika Bibili... Na, Batesalonika Bataanzi, matobelanwa a Kukwempwa oku kupati kuya kicitika ku mazuba akumamanino. Amuswiilile kuli ceeci awa. Tula talika awa a kampango 13:

*...Inga nseyanda cuti mube...batakwe luzibo,
bakwesu, kujatikizya abo boona, cuti nywebo mutabi a
buusu, akwalo mbuli bamwi abo batakwe bulangizi.*

*Nkambo ikuti na tula syoma...Kristo wakafwa a
kubuka alubo, abalo abo...balo boona muli Jesu Leza
uyo muletelezya.*

*Nkambo twa amba ceeci kuli ndinywe kwiinda ku
ijwi lya Mwami, kuteeti swebo tobaumi a basyeede
ku kuboola kwa Mwami tatu kakasyi... (Elyo bbala
kukasya lyaamba ku “sinkila.”)...abo balo boona.*

Nkambo Mwami mwini uyo seluka...

Lino amuswiilile kabotu:

*...Mwami mwini uyo seluka kuzwa i ku majulu a
koongolola, alimwi ajwi lya angelomupati, alimwi...
mweembo wa Leza: a bafu muli Kristo bayo buka
lutaanzi:...*

¹²⁹ Lino Ndi yanda kuti mubone cintu cipati cicitika awa lino. Muta impyi eci. Mwabona? Lino amubone. I Ijwi lilaamba awa mu Batesalonika Bibili, kuti kuyooba zintu zyotatwe. Amubone. Kuzwa ku kampango ka 13 kusika ku 16, kuli zintu zyotatwe zyelede kicitika Mwami Mwini katana libonya.

Cakufwambaana lino, aboobo inga twa jala. Mwabona? I cintu citaanzi cicitika . . . Amubone: koongolola, jwi, a mweembo. Atu Li bale lino a kubona na cili luleme. Mwabona?

Nkambo Mwami mwini (kamapango ka 16) *uyo seluka kuzwa ku julu a koongolola, alimwi a jwi ly a angelomupati, alimwi . . . mweembo wa Leza: . . .*

¹³⁰ Zintu zyotatwe zilacitika: Ii jwi . . . Ii koongolola, jwi, mweembo, zyeede kucitika Jesu kataninga kulibonya. Lino, koongolola . . . Jesu ulacita zyoonse zyotatwe cindi Ano—Ano—Ano—Ano seluka.

Ii koongolola, niinzi koongolola? Walo Mulumbe uyabuya, lutaanzi, Cinkwa cipona ca Buumi kacileta Nabwiinga.

¹³¹ Lino, Leza uli jisi nzila ya kucita zintu. Alimwi Ta cinci mulazyo Wakwe. Ta cinci Wakwe mu—. . . Ngu Leza uutacinci. Muli Amosi 3:7, Wa kati Ta kaciti cintu aa nyika kusikila lutaanzi Aka ciyubunune ku balanda Bakwe basinsimi. Alimwi masimpe mbuli Mbwa kacisyomezya, Uyo cicita.

¹³² Lino, twa boola kwiinda mu makkalo aa mbungano. Pele twa kasyomezegwa ku mazuba akumamanino, kweendelana kuli Malaki 4, kuti kuyooba kubweeda alubo, musinsimi munyika. Mbo mbubo. Amubone bulenge bwakwe, obo mbwayo boneka. Lyonse uyo . . .

Leza ulabelesya muuya oyo ziindi zyosanwe: lomwe muli Eliya; muli Elisha; muli Johane Mubapatizi; kukwiita Mbungano kuzwa; a musyaalizi waba Juda. *Zyosanwe* ziindi, “luzyalo,” J-e-s-u, l-u-s-y-o-m-o, alimwi mweelwe wa luzyalo [Mu Chikuwa mabala: grace, Jesus, faith ajisi tubala tosanwe—Mul.] Mwabona? Ncibotu.

¹³³ Lino, amuyeeye, Mulumbe waka syomezegwa. Elyo cindi oonse aya maseseke aku bungikwa oonse loko kwiinda ku nkamu ya bapaizi, ciyo tola ii—ii musinsimi ugaminina kuzwa kuli Leza wa Kwa yubununa. Alimwi nce ncencico ncobeni Nca kasyomezya kucita. Mwabona?

¹³⁴ Lino, amuyeeye, “I Ijwi lya Mwami liboola ku musinsimi,” kutali silwiyo wabukombi. I musinsimi, walo nciboni ca Ijwi lya Leza. Ta konzyi kwaamba cintu; ta konzyi kwaamba miyeeyo yakwe mwini. Walo ukonzya buyo kukanana eco Leza ncayubununa. Nekuba ku musinsimi Balamu cindi na kasola kusambalwa, kusambala nguzu zyakwe, wa kati, “Mbobuti musinsimi uli onse mbwa konzya kwaamba cimwi citakuti Leza wabikka mu mulomo wakwe?” Calo ncintu Leza nca cita, cakuti to konzyi kwaamba cintu cimbi. Alimwi wa kazyalwa munzila eyo. Taakwe buya nco konzya . . .

¹³⁵ Ikuti na wakonzya kuti, “Nse—Nse—Nse konzyi kujula meso angu,” cindi wano langa. Wabona? To konzyi. To konzyi kusika

ku janza lyako, cindi nokonzya. Wabona? To konzyi kuba mubwa kakuli uli muntunsi. Wabona? Wa kabambwa buyo boobu.

Elyo Leza lyoonse, awalo, mu makkalo, kwiinda muli Isaya, Jeremiya a boonse, Eliya, mu makkalo akainda. Cindi nkamu ya bapaizi yaku nyonganya zyoonse, Uyo tuma musinsimi, ku mubusya kuzwa kutakwe. Ta kalizulilwa kumwi kwa ziimo zyabo, a kukanana Ijwi Lyakwe. Kakotoka aa cilao, a kuunka, baalumi baka galankene buyo iba Bwini bwa Leza. Elyo ni nzila lyoonse njo konzya ku muziba. Wa kati, “Ikuti na kwaba umwi akati kanu simuuya na musinsimi . . .”

¹³⁶ Lino, basinsimi. Kuli cintu mbuli “cipego ca businsimi” mu Mbungano; pele musinsimi wakakanzwa a kusalwakale ku oora. Mwabona? Iiyi, munene. Lino, ikuti na businsimi bwaunka, bobilo na botatwe beeledé kubikkwa a kubeteka naa cili lusi na pe, mbungano kaitana konzya ku citambula.

¹³⁷ Pele taakwe ubikkwa kumbele lya musinsimi, nkaambo wa kali—wa kali Ijwi lya Leza kumaninina. Wa kali Ijwi mu buzuba bwakwe. Mwa kabona Leza katondezegwa. Lino, Leza waka syomezya ku tutumina oyo alubo ku mazuba aku mamanino, ku kugusya Nabwiinga kuzwa ku kupilingana ca bupaizi, mu nzila biyo mocikonzya kucitwa.

¹³⁸ Ta cika citwi; mbungano tai konzyi kutambula Kristo. Swebo, ba Pentekoste, ta tukonzyi kubweza Mulumbe oyu mu ciimo mbungano moibede sunu. Mbobuti mbo tuyu zwidilizya ciindi caku mamanino mu ciimo mbo babede sunu, kakuli umwi aumwi ulwana umbi, a zintuzyonse zimbi, a zyabupaizi? Oh, luse! Ndu pilingano. Ya unka mu tubungwe. Alimwi kufumbwa ciindi . . . Nda lomba umwi simakani akale kwa—kwa amba bwandeene. Ciindi coonse mulumbe niwa kaunka mu nyika, nkabela cindi niba kabunganya, wa kafwa mpoonya alya. Elyo Pentekoste yacita cintu nciconya boonse ncoba kacita, Pentekoste eyo yakazwa.

¹³⁹ Nywebo noba Assembili ya Leza, cindi bama syanyookulu a bamanyokwe niba kazwa mu tubunga kaindi okuya, mu General Council yakanindi, bakoongola a kulumbaizya Leza, a kwaambaula kulwana zintu ezyo. Elyo mwa kanyona, “mbuli mubwa ku malusi akwe, a ngulube ku ntimba yayo,” a kucita cintu nciconya ncoba kacita. Elyo lino mwaba basibupaizi loko, mwa jalila mbali zya lweeteleo lwanu. We elede kuba kkadi lya luswaanano kotana konzya akwalo kubeleka amwi andinywe, kutakonzeke.

¹⁴⁰ Nywebo, noba Bumwi, Leza waka mupa mulumbe mbuli oyo, elyo mubusena bwa kuya ambele, a kuzumanana buyo kulibombya a kuyaambele, mwa kacita kwaangulula a kubunganya nkamu yanu. Elyo nyoonse muli ali? I bbakete ndilyonya. Oko mbokubede.

Elyo Muuya wa Leza, ka weenda. “Nde Mwami ndaka Li syanga. Njo Li tilala, sikati a masiku. Kulesya umwi kukonzya . . .” Wa kasala zintu ezi ku kuba, alimwi We elede kutuma Oyu.

¹⁴¹ I cintu citaanzi ciboola, cindi Na katalika kuseluka kuzwa ku Julu, kwakali koongolola. Ino ncinzi? Walo Mulumbe, waku swaanganya bantu antoomwe. Ii mulumbe wayutuka, lutaanzi. Lino, nciindi cakupukuta kabotu malampi, “Amubuke a kupukuta kabotu malampi anu.” Ino kwakali kulangila nzi oko? I kwaciloba, kutali kwacisambomwe. I kwaciloba, “Amubone, Sibwiinga wasika. Amubuka mupukute kabotu malampi anu.” Elyo baka cita. Bamwi babo baka jana kuti tiiba kajisi aalo Mafuta amwi mu malampi abo. Mwabona? Pele nciindi cakupukuta kabotu malampi.

Ngu ciindi ca Malaki 4. Eco Nca kasy- . . . Ngu Luka 17. Ngu—ngu Isa- . . . Zyoonse zisinsimi ezyo Ncoli konzya kubikka kabotu mu ncililano ya buzuba obuno, mu Lugwalo, tula cibona kupona mpoonya alya. Ta kukwe . . .

¹⁴² Mwabona zintu ezyo zicitika, mukwesu mucizi, wangu. Kakuli, Leza ku Julu ulizi kuti Nda konzya kufwa aa cibumbili ndyoonya lino. Twe—twe elede kwendeenda buyo konse anii. Cila buyo . . . Cila boteleyza kapati, cindi wabona Leza kazwa ku Julu, akwiima kumbele ly a nkamu zya bantu, a kwiima alya, kulitondezya Mwini mbuli buyo Mbwa kacita lyonse. Alimwi obo Mbwini, alimwi eli Bbaibbele kali jukide. Mwabona? Mbubo. Tuli waano.

¹⁴³ Alimwi ciyanza cakabungwe cili fwide. Cili manide. Ta cika buki alubo. Ciyo umpwa. Nce cintu nco mucita ku buungu mu muunda. Amutije kuzwa kuli ncico. Amunjile muli Kristo. Utaambi kuti, “Ndi zulilwa ku Methodisti. Ndi zulilwa ku Baptisti. Ndi zulilwa ku Pentekoste.” Ko njila muli Kristo.

Ikuti na uli muli Kristo, takukwe Ijwi lilembedwe Omu pele eelyo Ndyo syoma. Ta ndikwe makani umwi umbi ncaamba. Alimwi mpawo Leza ubamba cintu eco kuyubuluka. Nkaambo, nywebo, cindi Atila Muuya aa Ijwi, ncinzi cicitika? Mbuli buyo kutila maanza aa nseke imwi imbi. Iyo pona, alimwi Iyo zyala musyobo Wayo.

¹⁴⁴ Yebo wati, “Ndi jisi lubbizyo, Muuya Uusalala.” Eco ta caambi kuti waka futuka, kutali ku nzila zilamfu.

¹⁴⁵ Langisya awa. Yebo uli cilenge cabutatu. Mbo bede. Mukati ka mulombwana *oyu* muniini mboobu buntu, butobelwa muuya, a butobelwa mubili. Lino, uli jisi magano osanwe mu mubili *oyu*, wa kukwaba muunzi wako waansi. Taba kwabani a cimbi. Yebo uli jisi magano osanwe aa muuya, *awa*: luyandisyo amanjezeezya, amwi ambi, a wooyo. Pele mukati *awa* mpaawo *mpo* kkala. Obo mbo bede.

¹⁴⁶ Sena Jesu ta kaamba kuti, “I mvula ila wida baluleme a bataluleme”? [Mbunga yaamba, “Ameni.”—Mul.] Kobikka nsoke abusena awa, a whiiti abusena alya, a kutila maanzi ali nzizyo, a kuzibikka kunsi lya munzuka a zintu mbuli ezyo, sa zyobilozazika poneni ku maanzi ngaonya? [“Ameni.”] Masimpe. Ee, ino ncinz? Imwi yayo iyo zyala nsoke, nkaambo nku koonse mboibede. I nsoke iyo tambika maanza ayo a koongolola mbubonya buyo mbuli whiiti.

¹⁴⁷ Sa Bbaibbele talyaambi kuti, “Ku mazuba akumamanino, kuyooba Bakristo babeji”? [Mbunga yaamba, “Ameni.”—Mul.] Kutali “Jesu mubeji,” lino. “Bakristo babeji,” bantu bananikidwe, bananikidwe cabubeji ku Ijwi; bakananikwa cakabungwe, pele kutali ku Ijwi.

Nkambo, Ijwi liyo lipeda bulunguluzi Lini. Tali yandi cintu cimbi. Liyo lipenda bulunguluzi Lini.

“Elyo kuyo boola bantu babeji bananikidwe.” Muli jisi teepu yangu ali eyo. Elyo abo banani- . . .

Oh, ikuti na inga waita umwi wabo, kwaamba, “Oh, yebo, sa nduwe Jesu?”

“Oh, nee nconzyo.” Inga noba taka ciiminina eco.

¹⁴⁸ Pele cindi caboola ku “Oh, bulemu! Ndi jisi bunanike!” Alimwi mbunanike bwakasimpe. Amuyeeye, Kayafasi wakali Bu jisi, awalo, alimwi wakasinsima. Mburonya Balamu wakali Bu jisi, alimwi wakasinsima.

Pele obo tabu jisi cintu cakucita a *ceeci*, mukati. Citakuti eyo yakali nseke ya Leza, jiini Yakwe kuzwa ku mataliko, yakakanzwa, uli nyonyookede. Ta ndikwe makani kunji nkooogolola, kwaamba mu myaambo, kuzuza, koongolola. Eco ta cijisi cintu cakuti ancico.

Ii nsoke inga yabalwa mbuli buyo imwi yazyo. Nda kabona bahedeni kaba buka, a koongolola, a kukanana mu myaambo, a—a kunywa bulowa kuzwa ku kapompo kamutwe wa muntu, a kwiitila dyabulosi. Mwabona? Aboobo uta . . . Kufumbwa kuyanyamukwa kumwi a zintu, ku kuluba.

Walo moyo wako mu Ijwi eelyo, alimwi oyo ngu Kristo. Konjizya omuya, aku Li langilila Lini kuzibwa, mbuli buyo ku Li jula mbuli nseke ili yoonse imbi, aku lilungulula Lini ku bukkalo Moli kkalamo.

¹⁴⁹ Luther ta kakonzya kuleta cintu cita kateo. Aba bamwi bakali kukonzya kuleta zintu ezi zimbi. Tuli mu bukkalo bwa whiiti lino.

Bana Luther beni ba Luther bakacita kuzyala Luther wini. Pentekoste ini yakacita kuleta pentekoste ini. Kwa mana. Pele twa kainda bukkalo obo, a kuyabuya.

¹⁵⁰ Nywebo mulizi, mbungano ya Katolika, ya katalika, pentekoste? Elyo ikuti na mbungano ya Pentekoste yaima kwa myaka ili zyuulu zyabilo, inga iyooba mucimo cibyaabi kwiinda Katolika mboibede lino. Obo mbombubo. Nda amba boobo ku bakwesu bangu, bacizi bangu, abo Mbe yanda. Alimwi Leza ulizi obo. Pele amuyeeye, beenzuma, Nde elede kuyo muswaana kulaale ku Lubeta. Alimwi oko inga tii kwalampa loko. Nde elede kupa bulunguluzi bwa Bwini mbobubede.

¹⁵¹ Cindi Ne kaunka a ndinywe mu miswaangano, mukupailila baciswa, kwa kali kabotu. Pele, cindi Ne kasika a Mulumbe! Ikuti na Mulumbe umwi waunka, walo Mulumbe wabwini . . .

Ikuti na malele, eeni aa Leza, nkabela kakkalilila moonya mu kabunga ako, nywebo mulizi kuti taali aa Leza, nkaambo cintu eco cakatondezegwa kale.

Jesu wakaunka a kuponya baciswa, kutegwa akonzye ku kwelelezya meso abo, bantu, mpawo Mulumbe Wakwe. Mbo mbubo.

Ceelede kuba a cintucimwi eco Leza ncaya kuzibya. Walo buyo . . . Kuponesegwa kwa Buleza, maleele Akwe mbuli ayo, ku kwelelezya buyo meso aa bantu. I moyo wini wa Nguwo walo Mulumbe. Ngooyo mboubede, eco cisika kuzwa omu awa. Walo usoleka kujana luzyalo lwa bantu kutegwa ba kkale aku Mu swiilila, mwabona, nkambo kuli bamwi omuya baka salilwa Buumi.

Zimwi zya nseke, whiiti, zyakawida mu bulongo, bayuni baka zikwempa. Alimwi zimwi zyakawida akati ka maamvwa. Elyo bamwi bakali, kaunka kuyo bamba bulongo, bulongo bwakabambilwa limwi, a kuzyala.

¹⁵² Lino, ncintu citaanzi, nku lizya. I cintu citaanzi mweembo alimwi ii . . . na jwi . . . Ii koongolola; alimwi mpawo jwi; alimwi mpawo mweembo.

Koongolola: mutumwa kacitya bantu kulibambila.

I cabili ndi jwi lya bubuke: jwi ndilyonya, eelyo, jwi pati mu Musalali Johane 11:38-44, eelyo lyakaita Lazaro kuzwa mu cuumbwe.

Kuswaanganya antoomwe Nabwiinga; alimwi mpawo bubuke bwa bafu, mwabona; ku kutolwa kujulu a Nguwe. Lino amulangilile zintu zyotatwe zicitika. I citobela ncinzi? Wakali mweembo. Ii jwi . . . Ii koongolola; jwi; mweembo.

¹⁵³ Lino, cintu catatu, walo mweembo, uuli, lyonse, ku Pobwe lya Myeembo, ngwa kwiita bantu ku pobwe. Alimwi eco ciyooba Cilalilo ca Nabwiinga, Cilalilo ca Kabelele antomwe a Nabwiinga, mu mulengalenga. Mwabona?

¹⁵⁴ I cintu citaanzi ciyutuka Mulumbe Wakwe, kawiita Nabwiinga antoomwe. I cintu citobela mbubuke bwa Nabwiinga woona; i—i bamwi bakafwa, kaindi mu makkalo ambi, bayo

kwempwa antoomwe. Elyo mweembo, Pobwe ku majulu, mu mulengalenga. Baa, eco nce cintu ciyo citika, beenzuma.

¹⁵⁵ Tuli mpoonya awa, balibambilide lino. I cintu buyo, Mbungano ili mukuzwa, yeelede kulala kumbele ly a Mwana, kuti ibizwe.

I muncini mupati uutebula uyo boola ambali, kwaakwinda kaindi. I whiiti iyo umpwa, makuba, pele museke uyo bungikwa mu butala Bwawo. Mwabona?

¹⁵⁶ Ta muli bantu boofu. Muli—muli bantu bayeeye kabotu.

Elyo ikuti na Nda kaima awa a kwaamba zintu ezyo ku kubisyabisya kuteelede? Nda Ca amba nkaambo Nea Buumi, nkaambo Ndi jisi mulimo kuli Leza waku Ca amba. Alimwi Nde elede ku Ca amba. Elyo Mulumbe wang... Ciindi coonse mukuziba, kaindi okuya kunsi ly a kuponesegwa a zimwi zimbi mbuli ezyo zyakali buyo zya kukweleleyza kuswiilila kwa bantu, mukuziba Mulumbe kuti uya kuboola. Elyo ngooyu Mbo ubede. Alimwi Zinamatizyo zili Ciloba zyaka julwa, ayo maseseke, a kutondezya ezyo zintu kuli caka citika. Nse ka cizyi.

¹⁵⁷ Pele kuli baalumi baimvwi mpoonya awa lini, bakaimvwi ncobeni andime. Cindi, nyoonse mwa kandimvwa kukambauka nkambauko eyo: *Baalumi, Ino Nciindi Nzi?* Eco cifumo, eeni Mpo waka Ca amba kuyoooba, mpaawo kwakaimvwi Baangelo bali ciloba kabaimvwi mpoonya alya, kuzwa ku Julu. Elyo mbuli Mbo bakatanta, a kambizi kaka Ba tola kujulu, twa kaliimwi, katulangilila mbuli mbo Ba kali kuzwa, sayaansi ya kakkopa cifoto ca Nguwo, lweendo loonse ku cisi mbocizulwa, kuselemukila mu Mexico.

¹⁵⁸ Elyo okuya, cindi Ne kali kulangilila, buzuba bumwi, cindi Ne kakambauka aya *Makkalo Aambungano Ali Ciloba*, nkabelia Nda tumina Jack Moore, silwiyo mupati wabukombi, Nda kati, “Jack, Nguni oyu Muntu wiimvwi alya? ‘Kuli Umwi mbuli Mwana wa muntu wiimvwi alya, masusu kaatuba mbuli boy a bwambelele.’” Nda kati, “Wa kali Mwaalumi mukubusyi, mbobuti Mbwa kakonzya kuba a masusu aatuba mbuli boy a bwambelele?”

¹⁵⁹ Wa kati, “Mukwesu Branham, oyo wakali mubuli Wakwe wakapegwa bulemu.” Eco tii cakalizya mulangu.

Pele cindi Ne kanjila mu kaanda a kutalika kupaila, Wa kandi zibya mbo cakabede. Mwabona?

¹⁶⁰ Nda kakambauka lyoonse kuti Wa kali Sibuleza, kutali mwaalumi buyo. Wa kali Leza wakatondezegwa mu mubili: Leza, bube bwa Leza, lwa luyandisyo; bube bupati bwa kaseluka, kazibisisiga awa aa nyika, bwa Leza. Jesu wakali luyandisyo lwa Leza, olo lwakayaka mubili oyo Jehova Mwini mwaka kkalila. Wa kali buzule bwa Buleza camubili. Obo Leza mbwakabede, Wa kayubululwa kwiinda mu mubili oyo. Oyo mubili wakacita

kufwa, kutegwa Ka konzya kusanzya Nabwiinga kubelesya Bulowa Bwakwe—a Bwakwe—a Bwakwe.

¹⁶¹ Elyo amubone, kutali biyo Nabwiinga kusanzigwa, kujatilwa, pele Uli lulamikidwe. Mwabona? Sena mwakasoleka kale bbala *kululamikwa*, ku bona nco lyamba?

Lino, kupa mukozyangyo, ikuti na Mukwesu Green wakamvwa kuti Nda kali kunywa, Nda kali kucita zintu zibi, mpawo wa kajana kuti Nse ka zicita, mpawo wa boola, kwaamba, “Nda ku jatila, Mukwesu Branham.”

¹⁶² “Wa ndijatila na? Nse kazicita. Ino undi jatila makani anzi?” Mwabona? Pele ikuti na Nda zulwa, mpawo Nda konzya kujatilwa; pele Nseno lulama, nkaambo Nse kazicita.

Pele bbala *kululamikwa* lili, “mbuli kuti toka cicita, pee.” Kululamikwa! Elyo mpawo Bulowa bwa Jesu Kristo bula tusalazya obo kuzwa ku zibi, kusikila kwa bikkwa mu Bbuku lya kujatilwa ilya Leza. Ngo Nguwe biyo ukonzya kucicita.

¹⁶³ Ta tukonzyi. Tula konzya kujatila pele kuta luba. Nda konzya kukujatila, pele Nda yeeya lyoonse kuti wakacita zintu ezi zibyaabi. Mpawo to luleme; wa jatilwa.

Pele, ku meso aa Leza, Nabwiinga uli lulamikidwe. Ta kacicita pe, mu busena butaanzi. Ameni. Kaimvwi alya, waka kwatwa ku Mwana mubotu wa Leza; kwiina nakabisya, mu busena butaanzi. Nkaambonzi? Wa kali salidwekale. Wa kacegwa muli ceeći. Alimwi lino cindi Na kamvwa Bwini a kuyutuka, Bulowa bula Mu salazya. Elyo Uli imvvi alya, mubotu. Mwabona? Walo, taakwe cibi ali Nguwe, pee.

¹⁶⁴ Nkikaako, Mulumbe wiita Nabwiinga antoomwe, mwabona, koongolola.

Elyo mweembo . . .

I Umwi nguonya, Walo, a jwi pati, Wa kakwiila a koongolola oko a jwi, a kubusya Lazaro. A jwi pati Wa koompolola, “Lazaro, kobuka.” Mwabona? Alimwi jwi libusya—libusya Nabwiinga woona, bafu boona.

¹⁶⁵ Elyo mweembo, “a kulila kwa mweembo.” Elyo, cindi caakucita, ciyo ita. Lyoonse, mweembo wakaita Israyeli ku Pobwe lya Myeembo. Mwabona? Eelyo, lyakali Pobwe lya pentekoste, Pobwe pati mu mulengalenga; a Pobwe lya Myeembo. Elyo, lino, mweembo ulaambilizya kwiita kwakubungana, “Amuboola ku Pobwe.” Elyo lino eco i—i Neilalilo ca Kabelele mu mulengalenga.

Lino amulange: I kubungana antoomwe; a Nabwiinga; Pobwe lya Myeembo; Cilalilo Camucado. Twa kacibona mu zimvule. Lino amulange buyo asyoonto katutaninga jala. Amuzibe. Twa cibona mu zimvule.

¹⁶⁶ Lino, ikuti na muyanda kubala muli Matayo 18:16, Lya kati, “Kuli zyotatwe ezyo zipa bumboni,” mwabona mu Musalali . . . muli Johane Mutaanzi 5:7, amu mwi. Zyotatwe lyoonse mbumboni. Sa mbo mbubo? [Mbunga yaamba, “Ameni.”—Mul.] Nkuzibya kasimpe, cintucimwi cilu leme. Bakamboni botatwe bala lungulula. “Mu mulomo wa bakamboni bobilo na botatwe, ijwi lyoonse likosolwe.”

¹⁶⁷ Lino amubone. Twa kali jisi bakamboni botatwe. Zyotatwe mbumboni. Lino, twa kali jisi kale kukwempwa kotatwe mu Cizuminano Cakale. Sena mwakalizi obo? Mboli bumboni. Lino amulangilile. Enoki wakali umwi; Eliya wakali umwi umbi; a Jesu wakali umwi umbi.

Jesu, mukuba MBAAKANI, lino, Wa kapa bumboni. Mwabona? Wa kali MBAAKANI akati ka CIZUMINANO Cakale a CIPYA, nkaambo Wa kacita kufwa lutaanzi elyo mpawo kukwempwa. Wa kafwa; kaboola ku buumi a kwendeenda oonse awa a ndiswe; elyo mpawo wakakwempwa kujulu. NKAAMBO, Wa kali MBAAKANI eyo yakaanga zyobilo antoomwe. Kwiinde bubuke BWAKWE a kukwempwa . . . AMULANGE. KWALO NA kamana kucita eco, a kutondezya eco, CIZIMINANO Cakale okuya. Toonse tu lizi kuti ENOKI wakatolwa kujulu. Tu lizi kuti ELIYA wakatola kutala kwiinda ku kambizi, mbo mbubo, mu nkalaki ya MULILO. ELYO JESU wakafwa, kazikkwa, wakabuka a kupona awa aa nyika, elyo mpawo wakakwempwa kujulu, MBAAKANI. MBAABO botatwe, ba kupa bumboni. Sa mbo mbubo?

¹⁶⁸ Lino, kwakali kukwempwa komwe kwakainda kale. MULIZI obo na? Kuti, atu bone na tula konzya ku cibala, cakubinda ncobeni. Atu Jane Matayo, cipati 27. ALIMWI atu Jane kutandila kampango ka 45 ka Matayo, cipati 27. Atu bone na ta tukonzyi kujana eco cakubinda ncobeni, a kubona ikuti—ikuti na ta tukonzyi kujana buyo kusyoonto kuzwa kuli ceeci, inga catu gwasya, cakufwambaana ncobeni. 27:45, NDA SYOMA, NDA LEMBA awa. Atu bale.

*Lino kuzwa ku oora lya cisambomwe kwakali mudima
aa nyika yoonse kusikila kuli lya naini . . .*

*Elyo kutandila oora lya naini Jesu wakoompolola
a jwi pati, kaamba kuti, Eli, Eli, lama sabaki- . . . ?
nku kwaamba kuti, . . . Leza wangu, nkaambonzi wa ndi
siya?*

*Bamwi babo bakaimvwi munsi, . . . baka kumvwa, elyo
bakati, Oyu muntu wiita . . . Elias.*

*Elyo mpoonya awo umwi wabo wakazuza, a kubweza
lufulu, a kuuzuzya viniga, a kubikka tete, a ku upa kuli
nguwe kuti anywe.*

*I bamwi bakati, . . . atu bone naa Elias ula boola a kuzo
muvuna.*

Jesu, cindi na koompolola... a jwi pati, waka...

“Ii jwi pati.” Jwi pati! Amulange.

Cindi Jesu, nafwa, wakakwiila a *jwi pati, waka fwa.*

Elyo, mubone, cisilitizyo ca tempele caka deluka mu bubili kuzwa kujulu kusika aansi; a nyika yaka zungaana, a myaala ya kaanduka;

Elyo zyuumbwe zyaka juka; a bunji bwa i mibili... basalali abo bakali koona yakabuka,

A kuzwa mu zyuumbwa kwiinde bubuke bwakwe, a kuunka kuyo njila muunzi uusalala, a kubonekela ku banji.

¹⁶⁹ Kukwempwa komwe kwa kainda.

Kotatwe kwakacitika mu Cizuminano Cakale, kuli bakalibambilala, abo Ijwi lya Mwami nkolya kasikila. Mwabona? I Ijwi lya Mwami lya kasikila Enoki. I Ijwi lya Mwami lya kasikila Eliya, musinsimi Wakwe. Mwabona? I Ijwi lya Mwami lyakali Jesu. Mwabona?

¹⁷⁰ Amulange mu Cizuminano Cakale, balo basalali ba Cizuminano Cakale lino, cindi oku kukwempwa nikwa kacitika lutaanzi. Amubone kampango 50. Jwi Lyakwe pati lya kasinsimuna basalali ba Cizuminano Cakale mbubonya buyo jwi pati mbolyaka sinsimuna Jesu...na sinsimuna Lazaro. Mwabona? I jwi pati lyakasinsimuna.

Elyo kwabili kula zulizigwa mu Batesalonika Bobili, cipati 4. Atube akubala, ku cibala. Twa zwaa kubala, maminiti masyoonto aindia. Mwabona?

...Inga nseyanda kuti muta...batakwe luzibo, bakwesu, kujatikizya abo...boona, kuti nywebo mutafwi buusu, abali...

Abo Batesalonika Bataanzi 4:12 kusika ku 18. Oko, oko kuyooba Kukwempwa kwabili. I Kukwempwa kwabili kuyooba kwa kukwempa kutola Nabwiinga.

¹⁷¹ I Basalali ba Cizuminano Cakale bakaunka mu Busyu Bwakwe, paradaiso yakamana. Alimwi basalali ba Cizuminano Cakale bakatanta kuya kujulu, ku jwi Lyakwe pati, cindi Na kakwiila a kufwa; nkaambo (kanzi?) Cituuzyo, mulungo wa zibi zyabo, oyo ngo bakali kulindila, kabasyoma kuti Kabelele uulondokede wakali kuboola. Ba ka tuula Cituuzyo, Kabelele. Alimwi cindi Na kafwa a kupa muuya wakwe, Wa kakwiila a jwi pati, nkabela basalali ba Cizuminano Cakale baka sinsimuka.

Amulange koongolola a jwi abusena awa, cintu nciconya ku Kuboola Kwakwe. Mwabona?

“Ka fwa.” Elyo cindi Na kaita, Cituuzyo cakali londokede, nkabela paradaiso yaka sukumunwa. Elyo basalali ba

Cizuminano Cakale bakasika ku nyika alubo, bakendeenda oonse aa nyika, a kunjila a Nguwe, ku kukwempwa Kwakwe.

¹⁷² Davida wakati, abusesena awa, “Amusumpuke, nywebo nomilyango iteeli; alimwi amu sumpulwe.” “Wa kasololela baange ku bwaange, kapa zipego ku bantu,” alimwi basalali ba Ciziminano Cakale bakaunka kunjila a Nguwe.

¹⁷³ Ba kati, “Nguni oyu Mwaami wa bululami?”

¹⁷⁴ “I Mwami wa Bulemu, singuzu wa makamu.” Singuzu wa makamu, mbaaba banjila, kaba maccing’ a. “Jesu wakasololela baange ku bwaange,” alimwi ngooyu Wa sika, a basalali ba Cizuminano Cakale. A kunjila mu milyango mipya kutala Okuya, a kuti, “Amusumpule, nywebo nomilyango iteeli; alimwi amu sumpulwe; a kulekela Mwami wa Bulemu anjile.”

I jwi lizwa mukati, kati, “Nguni Mwami wa Bulemu?”

¹⁷⁵ “I Mwami singuzu mu nkondo.” I milyango yaka vuumuka kujuka. “Elyo Jesu, Muzundi, wakasololela baange ku bwaange,” abo baka syomede ali Nguwe, a Ijwi lyakali sikide kuli mbabo. Okuya, basalali ba Cizuminano Cakale bali lede omuya, kabalindila, “Wa kasololela baange ku bwaange; katanta Atala,” kabweza basalali ba Cizuminano Cakale a kuyo njila. Nkooko Kukwempwa komwe, kwakainda kale.

¹⁷⁶ I Kukwempwa kutabela kucitika mu (Batesalonika Babili) kwa Mbungano, Nabwiinga weelede kubusigwa, weelede kukwempwa kuya mu Bulemu. “Swebo to baumi a basyeede,” eyo mibili yaka syaala aa nyika, “ta tukakasyi na kubasinkila abo boona. Nkambo mweembo wa Leza uyo lila lutaanzi, nkabela bafu muli Kristo bayo buka.” Mwabona? “Elyo swebo to baumi a basyeede tuyo kwempwa antoomwe ambabo.”

¹⁷⁷ Buzuba bumwi, Nda kaliimvwi ku kkona lya kagwagwa. Elyo Nda—Nda kaliimvwi aa—Nda kaliimvwi mu kkona lya kagwagwa akweebela paredi ya Buzuba bwa Armistice. Elyo cindi nikwakainka, kutanta kagwagwa, Nda kaima alya a mwana wangu muniini, Joseph. Mpaawo kwakasika, lutaanzi, yakali myoota ya zilwanyo yakale ya lumamba lutaanzi kaiboola, myoota ya zilwaanyo minii yakale. Kumane eco kwakasika myoota ya zilwanyo mipati ya Sherman iya lumamba lupya, alimwi a matobolo mapati akaindi kaajisi kubbotoka kwa miluli, a—a mabreki aa miluli ali nzizyo, azimwi zimbi.

Kumane awo, kwakasika basilumamba; i—i—bamatumbu ba Gold Star. Elyo mpaawo kwakasika mootokala mupati a i... kuselemuka... Ee, kuselemukila okuya kwaksika mootokala mupati, alimwi kumbele kwayo kwakali cuumbwe, “kuli silumamba uutazizilwe.” Elyo mpaawo kwakaimvwi ii—ii silumamba kaimvwi alya, mulindizi ku cuumbwe. Mpaawo kwakaimvwi sikalumba wamu lwizi ku lubazu lumbi, a simaato ku lubazu lumbi. Elyo mpaawo kwaka bikkwa mugaano. Elyo ku lubazu lumbi kwakakkede mutumbu wa

Gold Star. Waa ka sweekelwa mulombe wakwe. Mpaawo kwakaimvvi mukaintu mukubusyi, a mutwe wakwe atala aa tafule, kalila. Ii mulombe muniini uugalankene kakkede ku mabali; a misozi kiimbulumuka kuzwa ku busyu bwakwe. Wa ka sweekelwa bausi.

Nda kayeeya, “Ino nkuusa! Nda ima ano a kulanga, ku babona, bakaindi, basyoonto buyo basilumamba baka syaala; kaba maccing’ a kuselemukila okuya, basunkuta a bakaindi, mbuli baabo, a mayunifoomu abo, pele kaba tondezya cakukkomana nkaambo bakali bana America.”

Nda kayeeya, “Oh, Leza wangu!”

¹⁷⁸ Buzuba bumwi, mpaawo kwakasika kubbotoka kuzwa ku Julu, “Elyo bafu muli Kristo bayo buka lutaanzi.” Balo basalali ba Cizuminano Cakale kaindi maningi, abo balindila, bayopasuka a kuzwa okuya lutaanzi, a kuunka mu bubuke. Tuyo lokela moonya mu muncali, kuunka kunjila mu mulengalenga; eyo mibili yakaindi iifwika ya kucincwa a kubambwa mbuli mubili Wakewe Mwini wabulemu. Ino ni—ino ni paredi iyooba cindi ya kutalika kuya kujulu, amwi mazuba aya, mu ciindi eco ca kukwempwa cilede ambele, oh, kutondezya cakukkomana Bulowa bwa Jesu Kristo aa zyamba zyabo, Mulumbe wa Leza mu oora ndyo bakaponamo. Eelyo nde oora ndyo tulangila kumbele, mukwesu.

¹⁷⁹ Amulangisye, buyo mu kujala lino. I bubuke bwabili, boonse... Kumwi kutaanzi kwakainda. I kumwi kwabili kuli afwaafwi, calino, kuyo boola aafwi lino.

¹⁸⁰ Lino, kumwi kwatatu nkwa bakamboni bobilo ba Ciyanunuzyo 11:11 a 12. Kwalo, aba mbamwi bayo jokela, a Muuya wa Kristo, ku kupa bumboni kuba Juda, mbuli Josefa mbwa kacita kuli babunyina. Elyo amuyeeye, “Mibili yabo ifwide ya kaalabana mu kagwagwa, kwa mazuba otatwe a cisela. Mpawo muuya wa buumi wakasika kubanjila, nkabela baka kwempwa, bakatolwa ku Julu.”

Nkooko kukwempwa kwanu kotatwe kwa Cizuminano Cipyia.

Kukwempwa kotatwe kwa Cizuminano Cakale; koonse kwakainda.

¹⁸¹ Lino tuli libambilide, kulindila kukwempwa, Kukwempwa kwa basalali. Kwa kaambwa, alimwi kuyo citwa. Cindi Leza aamba cili coonse, “Oonse majulu a nyika ziyo loba, pele eelyo Ijwi tali kakakilwi.”

¹⁸² Cindi Leza nakati, kaindi okuya ku Matalikilo 1, Wa kat, “A kube mumuni,” elyo ambweni kwakali myaanda ya myaka kakutanaba mumuni uli oonse. Wa kat, “A kube samu lya palmu. A kube samu lya mubanga. A kube lukula. A kube dundu. A kube ceeći.” Wa ka caamba, nywebo mwabona. Elyo

kufumbwa kuti lya kazwa ku mulomo Wakwe, mu Ijwi, lye elede kuyubululwa. Lye elede kuba. Cindi . . .

¹⁸³ Mpawo buzuba bumwi, Wa kaita bantu Bakwe kuzwa. Elyo Wa kaamba ku muntu wakaulikidwe kuti Musa, kwiinda ku Musumpululu wa Mulilo, Mumuni; Mulilo, Uusalala Uusetekene. Elyo Musa taka . . . I bantu teeba kasyoma Musa, aboobo Wa kati, "Kobaleta ku dundu eli."

¹⁸⁴ Cifumo eco, dundu lya kazwide Mulilo koonse, a kulaba a mizumo mbuli eyo. Elyo bantu bakati, "Uta lekeli Leza ku kananana. Lekela Musa kukanana," mwabona, "ulabona twafwa."

¹⁸⁵ Leza wakati, "Nse kaambauli limbi kuli mbabo mbuli boobu, pele Njo babusizya musinsimi. Elyo Njo kanana kwiinda muli nguwe, alimwi eco nca amba ciyo citika. Mpawo, amuka Mu tambule, nkaambo Ndili—Ndili a nguwe." Lino, Wa kaamba boobu. Wa kati ciyo boola kucitika.

¹⁸⁶ Amulange musinsimi oyu, Isaya, kaimvwi alya; muntu, muntu musongo, muntu waka yeeyelwa, kabotu, ku mwaami, nkaambo wa kapona antoomwe a Uziya. I mwaami, iwakali muntu mulemu, kasola kubweza busena bwa mukambausi, ciindi cimwi, nkabela wakanjila, wakaumwa cisenda.

Alimwi nce ncico Nce kaambilia basimakwebo. Muta soli kubweza busena bwa mukambausi. Peepe, munene. Amu kkale mpoonya awo mpo mubede. Mwabona? Amu cite mulimo wanu, oyo Leza ngwa kabikka, ka mwaambila kucita. Ikuti na uli munwe, to konzyi kuba kutwi. Ikuti na uli kutwi, to kaba mpemo, mpemo na liso. Wabona? Ko kkala mu cilao cako.

¹⁸⁷ Mwa kaumvwa Mulumbe oyo, buzuba bumwi, aa kapepele: *Kusola Ku Citila Leza Mulimo*. Davida, mwaami wakananikidwe. Boonse bantu kabaongolola a kukwiila, "Kwa kali kabotu." Pele ta kabuzya musinsimi wa Leza. Alimwi muntu wakafwa, a cintu coonse caka nyonganisigwa. Uta soli kubotezya Leza. Ko lindila mane caba ciindi ca Leza. A ciboole mu nzila Yakwe ya kucicita. "Njo talika cintu *eci* cipati. Ciyo cita *eci*." Kocenjela, mukwesu.

¹⁸⁸ Lino, Davida wakalizi kabotu kwiinda booboo. Natani wakali mu cisi, mu buzuba obo. Ta kabuzigwa akwalo, pee. Mwabona? Wa kabuzya basilutwe ba myaanda a zyuulu. Boonse bantu bakoongolola, a kukwiila, a kuzyana. Mubusena bwa . . . Ba kali jisi kulimvwa koonse kwa bukombi, pele tii kwakali mu nzila a ncililano ya Ijwi lya Leza, nkabela caka kakilwa.

Kufumbwa cimbi, citali mu nzila a ncililano ya Ijwi lya Leza, ciyo kacilwa. Citabiyo Ijwi lya Leza ndeliyo ima kwalyonse. "Majulu a nyika ziyo loba, pele kutali Ijwi Lyangu."

¹⁸⁹ Amubone Isaya, oyo muntu musongo kaimvwi alya. Mpoonya biyo, Muuya waka muuma. Ta kakonzya kwaamba cimbi. Wa

kali musinsimi. Wa kati, "Amubone, nakalindu uyo mita." "Kuli ndiswe Mwana wazyalwa; Muvwanda wazyalwa, Mwana wapegwa. Zina Lyakwe liyo tegwa Sinkuta, Mwami wa Luumuno, Leza Singuzu, Taata Ùteeli. I mamanino aa... Bweendelezi Bwakwe buyooba a makuko Akwe. I mamanino aa i... Ta kukabi mamanino ku bulelo Bwakwe." Mbobuti ulya muntu mbwa kali kukonzya kwaamba cabusongo kuti nakalindu uyo mita?

Boonse baka cilangila. Ca kaambwa. Ca kali MUBOOBU MBWAAMBA I MWAMI. Ca kacita kucitika, nkaambo lyakali Ijwi lya Leza. Mbuli mbo cakabede ku Matalikilo, cindi Na kasyanga inseke kunsi lya lwizi, oko, "nkoya kapilingene, akubula zintu; nkabela maanzi akali malamfu." Mwabona? Ca kacita kucitika. Elyo buzuba bumwi, nikwakainda myaka ili myaanda ya lusele, zyalilo lya nakalindu lyaka mita Lunyungu lwa Leza, Lunyungu lwa kalengwa. Waa kazyala Mwana.

¹⁹⁰ Ulya Mwana nguwenya wakaimvwi alya, buzuba bumwi. Wa kati, "Lazaro, kobuka." Elyo muntu waka fwide kwa mazuba one, kabolede, mpemo yakwe yakabobela, wakanunka, wa kabuka. Kati:

Muta gambwi kuli ceeci: nkambo oora lysika
(Ameni.) cindi *boonse* abo *bali mu cuumbwe nibayo mvwa i jwi* lya Mwana wa Leza,

Aboobo, ca kamana kwaambwa. Ce elede kucitika mbuli boobo. Kuyooba Kukwempwa. Oh, ma!

¹⁹¹ Nda yeeya, Mulumbe wangu wamamanino mu California, oko Nkwe kayeeya kuti Nse kajokeli, cindi Ne kaamba kumbele kuti, "Los Angeles iyo unka kunsi lya lwizi. MBUBOOBU MBWAAMBA I MWAMI." Iyo cita. Ili nyonyookede. Ili kupaidwe. Ili manide. Oora nzi? Ta ndizi cindi, pele iyo nyikizigwa. Mpoonya buyo kwaakumana eyo, mizuzumo yanyika kutalika kugwejuka a kunyona.

¹⁹² Amuyeeye, bunji bwanu nobaalumi baimvwi mpoonya alya, oyo mwaala, obo buzuba cindi Angelo oyo nakaseluka alya. Alimwi oyo Mumuni a Mulilo kauloka kuzwaku Julu, kuzunguluka mwaala awo mpo twakaimvwi alya. Myaala nkuya kawa kuzwa ku malundu, akuwida atala oonse. Wa kabbotoka ziindi zyotatwe, canguzu. Nda kati, "Lubeta luyo uma Nkomwe ya Kumbo." Mazuba obile kwiinde ceeco, Alaska yakasi bbile.

¹⁹³ Amuyeeye, kuti nguonya Leza wa kaamba ceeco, kuti, "Los Angeles ili nyonyookede." Alimwi ili manide. Ta ndizi cindi. Ta ndikonzyi kumwaambilia.

¹⁹⁴ Nse kazyi kuti Nda kaamba ceeco. Pele oyu mukwesu awa, Na syoma wa kali... Peepe. Umwi wabana Mosley, Nda syoma, nkandi tola ku kagwagwa kubusena okuya. Nse kazyi mbo cakabede kusikila Ne kalanga kusule. Nda kalanga kusule mu Lugwalo.

Elyo Jesu wakati, “Kapenaumu, Kapenaumu, nkanji buti . . . Wa kalisumpula omwini . . .” (mubwini) “. . . atala ku Julu, uyo selusigwa ansi mu gehena. Nkambo ikuti na milimo mipati eyo yakacitwa muli nduwe, niya kacitilwa mu Sodoma, niya ciliimvwi sunu.” Elyo kutandila myaka ili mwaanda amakumi osanwe kuzwa awo, (Sodoma yakali kale, mu nyika) mpawo kapenaumu ili mu maanzi, ayalo, sunu.

¹⁹⁵ Elyo oyo Muuya wa Leza nguonya wa kaamba zintu ezi zyoonse, a kucita zintu ezi zyoonse, Wa kaamba okuya, “Oh, munzi, Kapenaumu, oyo uliita wini ku zina lya Baangelo, Los Angeles, nzila mboi sumpula lwako ku julu! I nguonya tuyanda a cuuno ca Saatani,” (Mwabona?) “wali sumpula lwako.”

¹⁹⁶ Bakambausi, ngu namaumbwe yabo. Bantu babotu balaunka okuya a kufwa mbuli mbeba. Ino ndunyonyooko alupyopyongano!

¹⁹⁷ “Yebo uliita lwako ku zina lya Baangelo; ikuti na mulimo mipati niya kacitilwa mu Sodoma, eyo yaka citilwa muli nduwe, niya ciliimvwi sunu. Pele oora lyako lyasika.”

Amulangilile a kubona. Ikuti na embo, Ndili musinsimi mubeji. Mwabona? Njeeyo mbo ibede. Ili kkede alya.

¹⁹⁸ Nda yeeya busiku obo, Nke tana bona eco, Nda kabona kusondelwa kwa Nabwiinga. Nda kaima alya a kubona mulindu muniini mubotu, waka samide bweelede, a zintu, kamaccing'a nzila *eyi*. Kwakali Muntuumwi wakaimvwi munsi lyangu, mu cilengaano. Elyo Nda kabona. Ba kati, “I kusondelwa kwa Nabwiinga.” Nda ka Mu bona kainda. Ba kasika ku lubazu *olu*, alimwi bakaunka koonse.

¹⁹⁹ Nda kakumvwa kakuboola, i—i mambungano kaboola kuzwa ku lubazu olu *lumbi*. Mpawo kwakasika mbungano yaku Asia. Oh, amwaambaule zya busofwi! Mpawo kwasika mbungano yaku Europe. Oh, ma! Alimwi mpawo Nda kamvwa cizyano cakuliyumba buniini kaciboola, nkabela wakali Muka America, mbungano, alimwi tii yaka samide zisani zimwi. Ya kajisi mapepa, mbuli mitende, isiyasiya, jatilide kumbele lyakwe, kazyana ku cizyano cakuliyumba buniini; Muka America, mbungano.

²⁰⁰ Nda kaima alya mu Busyu Bwakwe. Nda kayeeya, “O Leza, mbuli mukutausi, ikuti na oku nkotukonzya kucita kubotu na? Oh! Oh!” Uli zyi mbo limvwa. Mpawo Nda kayeeya, “Leza, kondi sisa. Ikuti na Nda konzya kuloboka kuzwa awa. Ikuti na koonse nkotwa kacita, alimwi nceeco nco tweede kuleta, sa eco nce cintu?”

²⁰¹ Elyo mpawo cindi banakazi niba kainda, kabacita misyobo yoonse ya kuzyanazyana a zintu, a masusu mafwaafwi, masyu apentedwe. Elyo mbuli mbo kainda mbuli boobo, bakayeeylewla kuba banakalindu kuli Kristo. Elyo cindi nibakainda mbuli boobo, Nda kanyona mutwe wangu, nywebo mulizi, a *ceeci* ka

civumbide kumbele lyangu. Lya kali—lya kali sampu, kunze lyabo. Elyo baabo mbo bakabede, kabaunka mbuli boobo. Elyo Nda kanyona mutwe wangu, mu koomoka, mbuli *boobo*.

²⁰² Nda kati, “Nse—Nse konzyi ku ciiminina omuya. Walo kaimvwi alya, a mebo kuziba kuti ndime, mukutausi wa Mbungano, alimwi eco ncencico Nee ka Mu letela.” Nda kati, “O Leza, Nse konzyi ku cilanga. Ndilekele ndifwe. Ndilekele—ndilekle ndizimaane,” alimwi mbuli boobo.

²⁰³ Elyo mboya kaunkila biyo, ciindi coonse umwi wabo wakasika, bakali kunga baunka kubusena bumwi, mpawo kudebwela. Nda kali kumvwa buyo coongo ca ncico mbuli mbo cakali kuya buzwa.

Mpawo Nda kamva cintucimwi mbuli *Kuyambele, Basilumba Banakristo*. Nda kalanga, elyo mpaawa kwakasika cikama eco cabasalali basimbi baniini mbubonya buyo mbo bakabede, boonse kabasamide bweelede, masusu abo kalengelela kuyaansi kusule lyabo. Babotu, banjolola, kaba macking’ a mbuli *boobu*, ku ntaamo ya Makanimabotu. Waa kali Ijwi. Ba kali kuboneka mbuli umwi uuzwa mu cisi acimwi. Nda kali kwilanga mbuli mbo bakainda, a kuba bona kabainda. Mubusena bwa kuyaansi, ba katalika kutanta mujulu.

Nda kabona umwi wabo kasola, bobilo na botatwe babo kabasola, kuzwa mu nzila. Nda kakwiila cuti, “Kokkla mu nzila!” Elyo cilengaano caka ndisiya. Elyo Nda kaliimvwi mu kaanda, nkekwiila, “Kokkala mu nzila!” Nzila, eyo . . .

²⁰⁴ Libuzya, sa inga cakainda kale? Sa Nabwiinga wakaitwa kale? Sena eco nce twiindamo sunu?

We elede kubumbwa a kubambwa kuba mu cinkonzya ca Kristo, alimwi Kristo ndi Ijwi. Eco nce cintu cilikke. Mwabona? Cili mukati Omuya, mu Ijwi. Cili bu- . . . Mwabona? Taku konzyi kuba cintu comwe ciyungizigwa. Ta konzyi kuba ii—ii mwanakazi kajisi janza lyomwe mbuli mwaalumi a limbi janza mbuli nsumba ya mubwa. We elede kuba mbubonya mbuli Ijwi lya Mwami, mbuli Mbwali Ijwi. I Nabwiinga ncibeela ca Sibwiinga. I mwanakazi ncibeela ca mulumi wakwe, nkaambo waa kagusigwa kuzwa ku mulumi. Eva wakali cibeela ca Adamu kuzwa ku lubazu lwakwe. Elyo mbubonya Nabwiinga mbwabede, tako gusigwa kuzwa ku kabungwe, pele wakagusigwa kuzwa ku camba ca Ijwi lya Leza lya buzuba obuno.

²⁰⁵ I Kukwempwa!

I mweembo wa Mwami uyo lila, bafu muli
Kristo bayo buka,
A bulemu bwa bubuke Bwakwe bwaabanwa;
Cindi bantu basale nibaya kubungana ku
Muunzi wabo kwiindilila mulengalenga.

Cindi kuzulwa kwa kwiitwa kutala, toonse atu sole kuyooba Kokuya, beenzuma. Leza amu longezye.

²⁰⁶ Ca kananwa. Ce elede kucitika. Ciyo citika. Alimwi niini . . . [Kabeela katakwerintu aa teepu—Mul.]

Nobantu, kwiina umwi uyanda kufwa. Kwiina umwi uyanda—uyanda kusweeka. Andi mwaambile. Kufumbwa necita . . . Ta ndikwe makani kabotu obo mbo unka ku mbungano, a nzila mbosyomeka ku mbungano. Kuli kabotu; taakwe kulwana ceeci. We elede kuunka ku mbungano. Ko cita boobo. Kozumanana kuya ku mbungano. Pele, kufumbwa, kosowa buyo tunsiyansiya twako, akuyabuya ncobeni atala muli Kristo. Nkaambo, kuyo lilila bumwi bwa mazuba aya, nkabela uyo kwempwa a caando ca munyama ali nduwe, a kuta ciziba mbocibede kusikila ciindi cino manide. Obo mbombubo ncobeni.

²⁰⁷ Leza amu longezye. Nda usa kumu jata. Elyo amuyeeye. Nda mujata kwa ciindi cilamfu okuno. Mbo mbubo. Alimwi mulumbo ngomwa ndibwezela . . . Kwalo, Nse kulomba kucita ceeco, mukwesu. Obo, ma, obo mbulongwe akulemeka. Bweza oyo a kubbadela motelo eyi i—i ciindicaindilila, nkaambo Nda ibamba. Nda jisi buyo zintu zisyoonto awa. Ndi jisi mapeegi ambi atandila ku lusele na kkumi aa Kukwempwa awo, pele Tii—Tii ndajisi buyo ciindi caku cipa. Leza amu longezye.

²⁰⁸ Sena mula tuyanda Mwami Jesu? [Mbunga yaamba, “Ameni.”—Mul.] Atwi imikile nji aniini buyo lino, cabutontozi, cabulemu, a kuyeeya eco Nce wamba. Amuyeeye, tuli mu maoora amamanino.

Aya masi ali mukumwaika, Israyeli ilu
mukusinsimuka,
I zitondezyo ezyo Bbaibbele nzolya kasinsima;
I mazuba Bamasi akkwana, abuyumuyumu
buyoosya;
“Amubweede, O nomu mwaikide, kuya
mwanu.”

I buzuba bwa lununuko bwaswena,
Myoyo ya bantu ili mu kuwizuka nkambo ka
buyoofu;
Amu zulwe Muuya, malampi anu
kaapukutidwe a kuyaka kabotu,
Amu lungumane, lununuko lwanu lwaswena.

Mulizi eco na?

Basinsimi babeji bali mukweena, Bwini bwa
Leza bali mukubukaka,

Tu lizi kuti koonse nkwa bwini. Tulacita na? [Kabeela katakwerintu aa teepu—Mul.]

Nda Mu yanda, Nda Mu yanda
 Nkaambo Wa kasaanguna kundiyanda
 A kuula lufutuko lwangu
 Aa cisamu ca Kalivari.

²⁰⁹ Mbangaye ba Mu yanda ncobeni? Nyamuna janza lyako. Lino, Ndi yanda nduwe, kuciindi notwiimba eyi alubo, suhana maanza a muntuumwi uli munsi lyako. Koamba, “Leza aku longezye, muzwamasi.” Tuli bamuzwamasi. Embo na? [Mbunga yaamba, “Ameni.”—Mul.] Bamuzwamasi a beenzu.

Nda Mu yanda,
 Nce ncico, mpoonya atala a tafule.

Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²¹⁰ Muyanda ku cikonzya mu Kukwempwa? [Mbunga yaamba, “Ameni.”—Mul.] Mbangaye bayandisya kuyo cikonzya mu Kukwempwa? Koamba, “Leza, Ndi yanda kuyo cikonzya, a moyo wangu oonse.”

Jata Kujanza Lya Leza Litacinci, uli lizi lwiimbo na? Uli lizi, mucizi? *Jata Kujanza Lya Leza Licinci*. Ta ndizi cintu... Ncinzi mukati, ca umwi oyo? Huh?

Jatilila janza lya Leza litacinci!
 Jatilila janza lya Leza litacinci!
 Yaka bulangizi bwako aa zintu Zitamani,
 Jatilila janza lya Leza litacinci!

Mula lubotelwa olo?

Ciindi lweendo lwesu lwa kumana,
 Iktuti na kuli Leza wakali kasimpe,
 Munzi wako mubotu ubalama mu Bulemu,
 Buntu bwako bwakakwempwa buyo bona!

Jatilila janza lya Leza litacinci!
 Jatilila janza lya Leza litacinci!
 Yaka bulangizi bwako aa zintu Zitamani,
 Jatilila janza lya Leza litacinci!

Ndi yanda kuti ukotamike mutwe wako asyoonto buyo lino.

Teemuysi buvubo obu bwabuyo bwa inyika eyi,
 Obo buyabaala cakufwambaana,
 Kuyandaula kujana lubono Lwakujulu,
 Ta luka lobi!

Jatilila janza lya Leza litacinci!
 Jatilila janza lya Leza litacinci!
 Yaka bulangizi bwako aa zintu Zitamani,
 Jatilila janza lya Leza litacinci!

²¹¹ A mitwe yanu kiikoteme, a cee ci mu mizeeo, mukuziba kuti tu kotamika mitwe yesu ku bulongo nko twa kagusigwa, buzubabumwi tuyu bweeda, mukuziba kuti buntu bwako omuya bweelede kuyopa bwiinguzi kuli Leza. Elyo ikuti na ulimvwa kuti toli bambilide ncobeni ku Kukwempwa oko, ikuti na Kwa sika sunumasiku, nkabela uyanda kwiibalukwa mu mupailo, nyamuna buyo janza lyako. Ta tujisi busena bwakubambilila kwiito lwaku cipaililo. Cipaililo cako cili mu moyo wako, nekuba. Nyamuna janza lyako. Leza aku longezye, yebo, yebo. Ma!

“Limvwa kuti Nseni libambila, Mukwesu Branham. Ndi—Ndi, ncobeni, Ndi—Ndi—Ndi yanda kuba Munakristo. Nda kasola kuba, pele kuli cintucimwi citako lyoonse. Ndi—Ndi lizi kuti Ta—Ta ndili eni awo Mpe elede kuba.”

“Koba aluse, Leza. Nda nyamuna janza lyangu. Koba siluse kuli ndime.”

Lino, maanza ali makumi obile na makumi otatwe ainka mujulu, kale, mu nkamu eyi niini. Manji aciinka mujulu.

²¹² Oyandwa Leza, Uli zyi cintu cili kunze lya janza eelyo, kundi okuya ku moyo. Nda komba oyandwa Leza. Kuli cintu comwe luzutu Neeli amulimo, nca, kwaamba Bwini. Elyo oyandwa Leza, ba yanda kufutulwa. Bala yanda, nconzyo. Ta—ta bayandi eci cintucimwi cakulimvwa buyo kumwi, kunyanyamukwa kumwi, ciyanza cimwi cakabungwe, buzumini bumwi bwabukombi, kayanza kamwi kabukombi ako kakayungizigwa. Bala mvwisya, Taata, kuti citola Ijwi, lya Leza linjoloma lisalala. Zintuzyonse zimwi zibi ziyomana, naaba majulu a nyika, pele Tali kaciti. Alimwi ikuti na tuyoooba eelyo Ijwi, nyika uyo loba kuzwa kundi lyesu, pele ta tukonzyi kuloba, kaambo tuli Ijwi eelyo, Nabwiinga wa Simusa.

²¹³ Nda kombela umwi aumwi, kuti Uyo bapa, Taata, ngo mupailo wangu wakusinizya. Elyo ndijatile, Taata, muku libilika loko sunumasiku, kumuka kusotokela awa, alimwi—alimwi kuba sikukankama loko, a kwaamba mabala anyongene a palangene. Munzila imwi, Muuya Uusalala mulemu, aswaanganye mu nzila Yako Omwini Isetekene, a kwaappa ku myoyo ya bantu, kuzwa ku moyo wangu, a kuyanda a bukanze buli mu moyo wangu Mbwe jisi kuli Nduwe. Sa tokocita na, Mwami? A kufutula abo bakonzya kufutulwa. Ko Li kwelela, Mwami. Alimwi akube kuti tuli bambile ku oora eelyo lyakukwempwa lilaafwi kucitika. Nkambo Nda cilomba mu Zina lya Jesu. Ameni.

Leza amu longezye.

Lino, sicutu wa i—wa muswaangano wa baiminizi.



I KUKWEMPWA TNG65-1204
(The Rapture)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Mujibelo mangolezya, Nalupale 4, 1965, ku cipobwe ca Full Gospel Business Men's Fellowship International ku Ramada Inn mu Yuma, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org